

類
編
長
安
志

類編長安志卷之八

京北路儒學教授駱天驥編集
開成路儒學教授薛延年校正

山陵塚墓

山陵

漢太上皇陵按高祖十年太上皇崩葬萬年縣師古曰三輔
黃圖曰高祖初居櫟陽故太上皇因在櫟陽及崩葬其
北原故萬年邑置長丞已上並屬今咸寧縣
薄太后陵在咸寧縣東南三十五里白鹿原上兩京道里記

曰陵高一十四丈周回一里六十步去道五里謂之南陵

文帝霸陵在京北通化門東四十里白鹿原北鳳凰背下漢書
治霸陵皆瓦器不以金銀銅錫為飾因其山不起墳
新說曰至元辛卯秋霸水衝開霸陵外羨門吹出石板
五百餘片

宣帝杜陵在萬年縣東南一十五里洪固原上

唐明皇貞順武皇后敬陵在縣東四十里少陵原長勝坊

明皇御書碑猶存

武宗母宣懿韋太后福陵在縣東四十里澁水東原鷄子
嶺上

懿宗母元昭晁太后慶陵在縣東二十五里霸陵東王家莊
僖宗母惠安王太后壽陵在縣東北二十五里東陵柳硯瓦里
昭宗母恭憲王太后安陵在縣東二十五里東陵柳霸水東

原上

靖恭太子陵在見子西原中宗常幸見子陵獵今按灊橋
近東三里有大陵鄉俗語訛呼為建子陵

昭靖太子陵在細柳北原

唐息隱太子陵在長安縣華林鄉已下屬長安縣

恭懿太子陵在縣高陽原

周文王陵在咸陽縣北一十五里尚書曰周公堯成王葬于

畢注曰不敢臣周公故使近文武之墓按長安舊志西周

之陵文王 武王 成王 康王 穆王 恭王

並葬于咸陽原上三輔故事文武周公皆葬于畢原五

子曰文王生於岐周卒于畢鄠漢書劉向傳曰文武周

公葬于畢師古曰畢陌在長安西北四十里畢即咸陽

原也三禮圖云先王葬其中以左右為昭穆文王葬于

郢子孫皆就而葬之即以文王居中央以武王為昭居左

成王為穆居右康王為昭居左昭王為穆居右穆王為

昭居左恭王為穆居右以下子孫夾處東西而葬

七下並成陽縣

漢高祖長陵在縣東三十五里黃圖云長陵城周七里百

八十步因為殿垣門西出及便殿掖庭諸官寺皆在中

是即就陵為城非止謂邑居也皇甫謐曰長陵山東西

廣一百二十步高十三丈在渭水北去漢長安城三十

五里關中記曰長陵城有南北西三面東無城也陪陵

葬者皆在東徙關東大族萬家以為陵邑長陵令秋千

石其諸陵皆六百石

呂后陵在高祖陵東史記外戚世家曰高后合葬長陵注

曰漢帝后同塋則為合葬不合陵也諸陵皆如此

惠帝安陵在縣東三十五里元和郡縣圖志在縣東北二十

里臣瓚曰在長安北三十五里三輔黃圖曰去長陵十里關中記曰徙關東倡優樂人五千戶以為陵邑善為啁戲故俗稱安陵啁也四皓祠在陵西張敖冢在陵東三十里冢土有五嶽之象今人謂之五角冢

景帝陽陵在縣東十五里元和郡縣圖志在縣東四十里漢書景帝五年作陽陵邑後三年葬陽陵臣瓚曰在長安東北四十五里帝王世紀曰陽陵山方百二十步高

四十丈

昭帝平陵在縣東北一十三里漢書帝初作壽陵制令流水而已石椁廣一丈二尺長二丈五尺無得起墳陵東北作廡長三丈五尺外為小厨裁足祠祀萬年之後埽地而祭臣瓚曰在長安西北七十里漢書曰平陵肥牛亭地賜張禹為冢塋

元帝渭陵在縣東北一十二里臣瓚曰在長安北五十六里

王莽傳遣使壞渭陵園門眾惡曰無使民復思漢

成帝延陵在縣西北一十五里漢書成帝葬延陵在扶風去

長安六十二里關中記曰延陵在長安西北四十里渭

陵之東延鄉之地也成帝起延陵城邑以成而言事者

以為不使乃更造昌陵在霸城東二十里運沙渭濱取

東山土東山土與粟同價所費巨億數年而陵不成谷

永等奏昌陵積土為高樟材猶在實土之上浮土之下

非永年之基延鄉之地居高臨下道貫二州二十餘縣

宜還就延鄉乃遣衛尉溥于長行視長奏宜如水等議

乃徙延陵而徙將作天匠郭万年於燉煌

哀帝義陵在縣西八里漢書臣瓚曰義陵在右扶風去長

安四十六里

平帝康陵在縣西二十五里漢書臣瓚曰在長安北六十

里舊圖經曰其陵在縣與平原口

漢傳太后廢陵水經注曰在霸城西北王莽奏毀陵今其
處積土猶高世謂之增塹亦謂之增埠按塹字字書不

載

唐代祖元皇帝與寧陵在縣東三十五里五雲鄉周五里

石人馬猶存

承天皇帝順陵在縣東北二十五里長陵鄉周二里

順陵在縣東北三十里唐武后追尊其母曰孝明皇后號

順陵

漢武帝茂陵在興平縣東北一十七里關中記曰漢諸陵

皆高一十二丈方一百二十步唯茂陵高一十四丈方百四十步

徙民置縣凡七長陵茂陵万户五陵各五千户漢武故事

曰帝見形謂陵令薛平曰吾雖失勢猶為女君奈何令
史卒上吾陵上磨刀劍乎自今已後可禁之平頓首謝
因不見推問陵旁果有方石可以為礪史卒嘗盜磨刀
劍霍光欲斬之張安世曰神道芒昧不宜為法乃止故
阮公詠懷詩曰失勢在須臾帶劍上吾陵

秦始皇陵在臨潼縣東一十五里驪山北畔原史記始皇初

即位穿治鄜山及并天下天下徒送七十餘萬人穿三

泉下銅一作錫而致樽宮觀百姓奇器珍怪徙藏滿之令

匠作機弩矢有所穿近者輒射之以水銀為百川江河

大海橫相灌輸上具天文下具地理以人魚骨人魚骨四脚

膏為燭度不滅者久之二世曰先帝後宮非有子者出

焉不宜皆令從死死死者甚眾葬既已下或言工匠為機

藏皆知之藏重即泄大事果已藏閉中羨下外羨門盡

閉工匠藏者無復出者樹草木以象山漢書劉向傳秦
始皇帝葬於鄜山之阿下銅三泉上崇山墳其高五十
餘丈周回五里有餘石椁為游館人膏為燈燭水銀為
江海黃金為鳧鴈珍寶之藏機械之變棺椁之麗宮館
之盛不可勝原又多殺宮人生墮工匠計以萬數天下
苦其後而反之驪山之作未成而周章百萬之師至其
下矣項籍燔其宮室營宇往者成見發掘其後牧兒亡
羊羊入其鑿牧者特火照求羊牛火燒其臧椁自古至
今葬未有盛如始皇者也數年之間外被項籍之災內
離牧豎之禍豈不哀哉是故德彌厚者葬彌薄知愈深
者葬愈微無德寡知其葬愈厚丘隴彌高宮廟甚麗有
掘必速由是觀之明暗之效葬之吉凶昭然可見矣曷
山傳曰始皇死葬乎驪山吏徒數十萬人曠日十年下

徹三泉合來金石治銅錮其內漆塗其外被以珠玉飾以翡翠中成觀游上成山林為葬薶之侈至於此使其後世曾不得蓬穎蔽冢而記葬焉古史考曰秦始皇使刑徒七十萬人作驪山北山石為碣水經曰項羽入關發之以三十萬人三十日運物不能窮關東盜賊清鄴取銅收人取羊燒之火延千日不能滅郡國志曰始皇陵有銀蠶金鴈以多奇物故俗云秦正地市關中記曰秦始皇陵在驪山之北高數十丈周六里今在陰平縣界此陵雖高大不足以消六十萬人積年之功其用力或隱不見不見者驪山水泉本北流北流者被障使東西流入此土無石於渭壯諸山運取大石故其歌曰運石甘泉口渭水為不流千人一唱萬人相鉤今陵下餘石大如藍土屋其消功力皆此類也三輔故事曰始

皇陵周七百步以明珠為日月魚膏為胎燭金銀為鳧
鴈金蠶三十箔四門施徽奢侈太過六年之間為項籍
所發兩京道里記曰陵高一千二百四十尺內院周五
里外院周十一里俗呼當陵南嶺頭峯作望峯言禁陵
望此為準已下並在咸陽縣

唐奉天皇帝齊陵在縣東一十六里旌儒鄉新豐店南道
西二里

唐文敬太子惠昭太子二陵在縣東一十五里新豐鎮西
恭哀太子陵在縣境

莊恪太子莊恪陵在驪山北原

古華胥氏陵在藍田縣西三十里

唐太宗昭陵在醴泉縣西北六十里九峻山白鹿長樂瑤
臺三鄉界古達蒲村下宮去陵一十八里封內周一百二十

里陪葬諸王七公主二十一妃嬪八宰相一十三丞郎三品五十三功臣大將軍以下六十四所奉六殿石像在陵後

漢太上皇陵在櫟陽東北廿五里郡國縣道記曰高帝葬太

上皇於櫟陽北原其陵在東者太上皇在西者昭靈后也

後魏孝武帝孝陵在渭南縣東南二十二里廣鄉原陵崇六

丈周一百二步石人虎尚存

唐睿宗橋陵在蒲城縣西北二十里豐山宣化鄉積善村

封內四十里陪葬太子三公主三

玄宗恭陵在蒲城縣東北三十里金粟山懷仁鄉敬母村

封內七十六里下宮去陵五里陪葬一

憲宗景陵在蒲城縣東北一十三里金蟻山豐陽鄉吳村封

內四十里陪葬妃后三

穆宗光陵在蒲城縣北二十里堯山西案嶺寧康鄉晉濟延

興二村封內四十里下宮去陵五里陪葬后二

讓皇帝惠陵在蒲城縣西北一十里豐陽鄉胡村封內十里陪葬諸王三公主三

唐高宗乾陵與武皇后合葬在奉天縣西北五里梁山鄉丈八青仁控子三村界周八十里有于闐國所進無字碑陪葬太子諸王五公主一

僖宗靖陵在奉天縣東北一十五里峯陽鄉雞子堆封內四十里下宮去陵五里與乾陵相接隔豹谷

西魏文帝陵在富平縣東南二十五里

後周文帝成陵在富平縣西北一十三里

唐中宗定陵在富平縣西北一十五里龍泉山周文鄉郭門村封內四十里下宮去陵五里陪葬太子一公主五

代宗元陵在富平縣西北三十里檀山水閭鄉王村村內

四十里丁宮去陵五里

順宗豐陵在富平縣東北三十五里金甕山通關鄉修善

義周公孫三村封內四十里下宮去陵五里

文宗章陵在富平縣西北二十里天乳山永閭鄉洪波村

封內四十五里下宮去陵三里陪葬一楊賢妃

懿宗簡陵在富平縣西北四十里紫金山會善永閭兩鄉

范村封內四十里下宮去陵七里

景皇帝永康陵在三原縣西北一十八里豐原萬壽兩鄉大

澹村封內

高祖獻陵在三原縣東一十八里龍池鄉唐朱村封內三十

里下宮去陵五里陪葬諸王一十六公主一功臣六

敬宗莊陵在三原縣西北五里太平鄉胡材封內四十里

下宮去陵八里陪葬一悼懷太子

武帝端陵在三原縣東一十里神泉鄉騰張村封內四十里下

宮去陵四里陪葬一王賢妃

漢昭帝趙太后雲陵在雲陽縣南漢書鈞弋趙婕妤昭帝母也史記曰鈞弋夫人死雲陽暴風揚塵三秦記曰鈞弋夫人居甘泉宮三年不反遂即葬之名曰思合墓昭帝即位追尊為皇太后發卒二萬人起雲陽陵邑三千戶雲陽記曰鈞弋夫人從至甘泉而卒尸香聞十餘里葬雲陽武帝思之為起通靈臺於甘泉宮有一青鳥集臺上往來至宣帝乃止

唐德宗崇陵在雲陽縣北一十五里嵯峨鄉化青村內四十二里下宮去陵五里

宣宗貞陵在雲陽縣西北四十里小王山谷口鄉鄧村封內一百二十里下宮去陵一十里

肅宗遠陵在醴泉縣東北一十八里武將山修文鄉劉村四

十里下宮去陵五里陪葬功臣一尚父汾陽王郭子儀

周幽王陵在臨潼縣二十五里戲水鎮南原上

漢許后小陵城南記在咸寧縣司馬村其陵北杜陵差小

謂之小陵長安方語以小為少故曰少陵

秦莊襄王壽陵兩京道里記在通化門東二里皇覽曰是

呂不韋冢三輔舊事云是子楚母冢皆非也其冢制度

廣大豈人臣所宜據韋述兩京記則秦襄王壽陵也蓋

不韋始皇之父而始皇襄王之子以此致惑也俗呼為

韓信冢也

隋文帝秦陵在武功縣西南二十里三時原

宇文陵在好時縣東一十五里

吳妃陵在好時縣西北二十里明月山下

冢

賈大夫家在蒲城縣西南一十八里春秋左氏傳昭二十八年曰昔賈大夫惡娶妻而美三年不言不笑御以如卓射雉獲之其妻始笑而言杜預注曰賈國之大夫惡亦醜也今縣有賈城即古之賈國後漢王阜字代公為重泉令時大旱收奪強吏按察豪猾猶是澍雨有鸞集縣屋為雅樂應聲而舞旬日方去其化感如此

荆軻冢在藍田縣西北三十里

鷺子冢在藍田縣東八里漢書曰臨江閔王榮景帝太子廢為臨江王坐侵廟壩地為官上徵榮將行祖於江陵北門既上車軸折車廢江陵父老流涕竊言曰吾王不反矣榮至詣中尉簿責訊王王恐自殺葬藍田有數萬鷺子街土置冢上百姓憐之世名鷺子冢

賀若婦冢在藍田縣西南一十五里婦縣人也姑有疾剖股
肉奉姑疾遂愈府縣以聞勅旌表門閭名其鄉為節婦
鄉舊不載歲月疑唐事

馬冢漢滕公夏侯嬰冢也東臨霸水郡國志曰滕公乘馬
至此馬踏地悲鳴因掘地得石柳銘曰佳城鬱鬱三千
年見白日吁嗟滕公居此室公曰天也吾死即安此冢
在咸寧縣飲馬橋南時人謂之馬冢長安圖曰漢時七
里渠有飲馬橋夏侯嬰冢在橋南三里

墓

邨吉墓在咸寧縣南二十里杜陵南俗呼塌冢

蕭望之墓在咸寧縣東南五里古城春明門外道南

唐社如晦墓在咸寧縣南三十里司馬村

顏師古墓在咸寧縣二十里

王君奭墓在咸寧縣東界滋水驛東道北兩京道里記曰
君奭開元中在涼州都督死王事招魂葬此張說為碑
渾瑊墓在咸寧縣西南一十五里

樗里子墓在長安縣東北長安故城中史記樗里子秦惠
王之弟也昭王七年卒葬于渭南章臺之東謂人曰後百
歲當有天子之宮夾我墓也至漢興長樂宮在其東未
央宮在其西武庫正直其墓秦人諺曰力則任鄙智則
樗里

周太公墓在咸陽縣東北二十五里周尚父齊太公也鄭玄
曰太公受封留為太師五世之後乃葬齊

周公墓在咸陽縣北一十五里

漢蕭何墓在咸陽縣東北三十七里

曹叅墓在咸陽縣東北三十五里

張良墓在咸陽縣東北三十六里漢書留侯陪葬長陵與

高祖陵相去五里

楊雄墓按雄家諱曰子雲以天鳳五年卒陪葬安陵阪上

弟子鉅鹿侯苞冢土作墳號曰玄冢

李夫人墓亦名習仙臺崇二十丈周二百六十步在興平

縣東北十六里三輔黃圖曰李夫人墓東西五十步南

北六十步高八丈茂陵西北一里俗名英陵水經注曰

李夫人冢形三成世謂之英陵

霍去病墓在興平縣東北十九里崇二丈漢書曰去病為

驃騎將軍大司馬冠軍侯元狩六年薨上悼之發屬國

公主甲軍陳自長安至茂陵為冢象祁連山師古曰在茂

陵旁冢土有豎石冢前有石人馬者是

衛青墓在興平縣東北十五里崇二丈漢書曰青為大將

軍大司馬長平侯尚平陽主元封五年薨與主合葬起冢象廬山云師古曰在茂陵東次去病冢之西相併是蘇武墓在武功縣北一十里義門鄉按郡國志在好時縣

東三十里名守節鄉與此地里相接

秦始皇太子扶蘇墓在臨潼東南三十四里墓崇九尺

後漢馮衍墓在臨潼縣東十四里墓崇二丈

唐贈太尉段秀實墓在臨潼縣西一十五里斜口鎮西南姚村僧一行葬塔在臨潼縣銅人原明皇幸溫湯過其塔前駝

馬徘徊明皇八分書碑尚存

漢陳平墓在鄠縣南十里陳平庄

後秦二主墓姚萇姚興在高陵縣東一十三里

唐西平三李晟墓在高陵縣東南一十里

墓前有柳公權正書神道碑

周柱下史老子墓在藍屋縣東南接觀水經注曰就水北

經大陵西俗謂之老子墓按老子為周柱下史適西戎於此有冢事非經證然莊子曰老聃死秦失弔之三號而出有冢可也

商妣己墓在奉天縣西五里莫谷西半崖坡內

王翦墓在富平縣東二十七里

唐李光弼墓在富平縣西四十里

秦相范雎墓在邠州宜祿縣東道北

漢周勃墓在長陵南周曲灣原上周曲乃勃之食邑

漢樊噲墓在樊川南原上樊鄉乃噲食邑

韓信墓在古長安城東三十里新店墓前有小廟多題詩

來補詩曰楚漢爭雄日將軍亦奮揚一時分去就兩處係

興亡幸得逢真主何須求假王惜乎高鳥盡曾不免藏

撥川王墓城南記萬年縣韋曲北原上有撥川王論弓仁

墓弓仁吐蕃贊普族也世相贊普戎言宰相曰論以為
氏聖曆二年統吐蕃七千帳歸唐累有戰功死贈撥王
唐郭敬之墓在咸寧縣郭莊敬之子儀父也碑尚存
李抱玉墓在長安縣杜永村顏真卿書碑猶存

紀異

紀異

梓樹異聞錄秦文公時雍南山有大梓樹文公伐之輒有
大風兩樹復生合不斷有一人病夜往山中聞有鬼語
樹神曰秦若使人被髮以朱絲繞封伐汝汝得不憂否
以事聞文公如其言伐樹、斷中有一青牛出走入灌
水復出使騎擊之牛復入水不出
村留神長安志中渭橋本名橫橋云、水經注曰秦始皇

造橋鐵鑊重不勝故刻石作力士孟賁等像祭之鐵乃
可移動也橋之北首疊石水中舊有村留神像此神嘗
與魯班語班今其閃出將留神曰我貌醜卿善圖物容
我不能出班於是拱手與之言曰出頭見我村留乃出
首班於是以足畫地村留覺之便還沒水故置像於水
中唯背已上立水中其後魏武帝重造村留之像因乘
馬見之驚又命下之

山鬼史記秦始皇帝三十六年使者從關東來夜過華陰
見素車曰馬從華山上持璧與客曰為我遺錫池君
因言曰明年祖龍死使者問其故因忽不見使者奉璧
以聞始皇默言曰山鬼不過知一歲事退言曰祖龍者人
之先也使御府視璧乃二十六年行渡江所沉璧也蘇林
曰祖者始也龍者人君象謂始皇明年果崩

石雞地里志寶雞山有山雞石雞雞處而不相別秦趙高
燒其山其山雞皆飛去而石雞不去其石雞晨鳴三十
里謂之寶雞

哭泉新說曰在防州宜君縣世傳杞梁築長城不回其妻
孟姜與夫送寒衣尋夫不見繞城而哭日夜不止城王忽
崩見枯骸姜齧指出血誓曰是吾夫者血入骨其血果入
骨負骨而歸哭至宜君止宿哭甚哀忽有泉湧出其水
聲音如哭號曰哭泉至今猶在商左山行臺陝西經過
題詩曰人之有大倫爰自夫婦始剛柔若乾坤動止亦
如此兩姓以義合兩義路人耳孟姜杞梁妻貞節世無
比從夫知有天無天有造死一心心不移恸哭不止城工
為之崩泉湧出地底至誠人能盡感應存是理世衰思義
薄對面若千里胡為貧家婦慕嫁富家子富家恨嫁晚

貧家已為耻狡謀工盡惑巧笑藏險詖靜者復主動亦
鮮不及矣此泉宜君山長城餘舊址數息無古人哭聲
如在耳會富悲烈婦閨人作模軌陵谷有變更不竭哭泉水
御衣舞漢宮殿儀疏曰惠帝七年正月高皇廟中御衣自
篋中出舞於殿上久而自下

藻簾幽明錄漢武帝與近臣宴未央殿方噉黍臠忽聞空
中人語曰老臣自訴尋不見忽樑上一老翁八九寸而下
拄杖僂步而前帝問之老翁稽首不言但仰視殿俯指
帝足忽然不見東方朔曰此名藻簾乃水木之精夏巢
於林冬潛於河陛下與造宮殿斬伐其居故來訴耳

積憂事見坡坂條

磨刀劍事見山陵條

劫灰關中記昆明池漢武帝習水戰堯治水停舡於此他

蓋克時已有汙池漢武因而深廣耳曹毗志恪曰漢武
鑿昆明池極深悉是黑灰無復上舉朝不解以問東方
朔朔曰臣愚不足以知之可試問西域胡帝以朔不知
難以劾問至後漢明帝時外國道人來洛陽有意方朔
言者試以武帝時灰黑問之胡人曰經云天地大劫將
盡則劫燒此劫燒之餘灰乃知朔言有旨

報

珠三秦記昆明池畔有靈沼名神池有人釣大魚繩絕
魚帶釣而去其魚夢於武帝求去其釣明日帝遊池上
見大魚啣釣豈非昨所夢乎帝取魚去其釣而放之問
三日帝復遊池濱得明月珠一雙帝曰豈魚之報邪
忍寒暑三輔黃圖上林苑有昆明觀武帝所置桓譚新論
曰元帝被病遠求方士漢帝送道士王仲都詔問所由
對曰能忍寒暑乃以隆冬盛寒日令祖載駟馬車於

林昆明池上環水而馳御者厚衣狐裘寒顫而仲都獨
無變色卧于池觀上暉然自若夏大暑日使爆生環以
火十爐不言熱而身不汗

天狗星者舊傳漢武帝祀甘泉至涇橋有女子浴於涇水
乳長七尺吐怪遣問之女曰帝後第七車知我時侍中
倪寬在第七車對曰天狗星主祭祀齋戒不潔則天狗
女人星見

椽化龍鳳漢書武帝元封二年作甘泉宮通天臺師古曰
言此臺上通天漢漢舊儀通天臺高三十丈望雲氣志
皆下去長安三百里望見長安城元鳳間臺自斃椽木
皆化為龍鳳隨風而飛去

蜚廉銅馬漢書元封三年長安作蜚廉館應劭曰飛廉神
禽能致風氣音灼曰蜚廉身似鹿頭似爵有角而蛇尾

文如豹文明帝永平五年至長安迎取蜚廉銅馬至西
門外平樂館董卓悉銷以為錢

尸香列仙傳曰鈞弋夫人齊人姓趙少好清淨卧病六年

石手拳飲食少望氣者云東北有貴人推而得之召列姿色

甚佳武帝反其手得玉鈞而手尋痕遂生昭帝後武帝

害之及殯尸香昭帝即位更葬之棺空但有絲履

授五行洪範漢宮殿疏云天祿麒麟閣蕭何造以藏秘書

處賢才也成帝時劉向校書天祿閣專精覃思夜老人

著黃衣植青藜杖進見向暗中誦書吹杖端烟然因以

見向授五行洪範之文恐詞說繁廣忘之乃裂紳以記

其言至曙而去問姓名曰我是太一之精天帝閔卯金

之子有傳學者下而觀焉乃出懷中竹牒有天文地圖

之書余略授子焉

茅狗列仙傳呼子先者漢中閬下師也壽百餘歲臨去呼

酒家姬云急糶當與姬共應中陵王今夜有人持茅狗

來先持一與酒家姬得俱騎乃化為龍上華山

糜亭鬼後漢書王忱字少林除郿令上官至糜亭驛亭長

曰亭有鬼數殺過客不可宿也忱曰仁勝山邪德除不

祥何鬼之避即入亭止宿夜聞女子稱寃之聲忱曰何

枉狀可前求理女曰無衣不敢進忱乃投衣與之女子

乃前訴曰妾夫為涪令之官過宿此亭亭長無狀枉殺妾

家十餘口埋在樓下惹盜取財償忱問亭亭長姓名女子曰

即今門下游徼者也忱曰汝何故數殺過客對曰妾不得

白日自訴每夜陳寃客輒眠不見應不勝感恚故殺之

忱曰當為汝理寃勿復害良善也因解衣於地忽然不

見旦召游徼詰問具伏罪即收繫及同謀十餘人悉伏辜遣

吏送其葬歸鄉里於是亭遂清

鸞歌舞後漢列傳王阜字代公重泉令今蒲城縣也時太
早阜收奪姦吏按祭豪華猶是澍雨有鸞集縣屋為雅
樂應聲而舞旬日方去其德化感如此

銅龍吐酒十六國春秋曰符健建元十七年春正月懸珠

簾於正殿以朝群臣宮宇車乘器物悉以珠璣琅玕奇
寶珎怪飾之殿上有金玉欄金博山轆轤交龍負於井
上庭中有銅龍長二丈搏容三十石正旦大會龍從上
中受酒口吐之於搏中

履長七尺十六國春秋符健皇始四年十月大雨蒲津監
寇登於河中得一履長七尺人跡稱之指長尺餘文深
一寸健歎曰覆載之間何謂不有

長樂宮鬼兩京道里記望春亭去京城十一里東臨澹水隋

文帝初置以作送客亭後改望春宮煬帝改為長樂宮
大業初夜見太子勇領徒十人各持兵器問揚廣何在帝
懼走長樂宮文武宿衛不知乘輿所在比明移仗此官
煬帝遂幸洛陽終大業不赦都長安

慶山事見慶山條

玉魚西京雜記長安大明宮宣政殿每夜見數騎衣鮮麗
遊其間高宗使巫祝劉明奴問其所由鬼云我是漢楚
王戍太子死葬于此明奴按漢書戍與七國反誅死無
後得有子葬於此鬼曰我當時入朝以路遠不從坐後
病死天子於此葬我漢書自有遺誤耳明奴因詩與之
改葬鬼喜曰我昔日亦是近屬今在天子宮內出入不
安改卜極為幸甚今在殿東北入地文餘我死時天子歿我王
魚一雙今猶在未朽以此相送明奴以事奏聞有改葬苑外及發

掘玉魚宛然見在其事遂絕

僊方唐史天寶四載西域胡僧請於昆明池結壇祈雨七日縮水數尺有老人夜請宣律師求救曰弟子乃昆明池龍也胡僧欺天求雨利吾腦命在朝夕律曰貧道持律可求孫先生去老人至孫思邈曰我聞昆明池有僊方若傳吾救汝龍曰此方上帝不許妄傳今急固毋吝俄頃捧方而至孫曰汝還無慮胡僧及至池水漲溢如故胡僧羞恚而死

魚龍飛動 事見溫泉條

黑氣明皇十七事開元八年明皇幸溫泉乘輿入城有黑氣自城東北角起倏忽滿城從官皆相失上策馬踰城赴宮路下至渭川雲氣稍解侍臣分散尋求乘輿所在既謁見悲喜迸涕上亦悵然自還宮數日不出翰林學士通事

舍人王翰作荅客問上之詞曰龍躍湯泉雲漸回雲飛香
殿氣還來龍潛龍見雲皆應天道常然何問哉

舞馬明皇雜錄天寶中嘗令教舞馬四百蹄目之曰其家
驕每宴樂其曲謂之傾杯樂馬聞其曲奮首鼓尾動脚
無不應節啣杯上壽祿山亂後馬散人間田承嗣得之
一日軍中大饗馬聞而舞承嗣以妖殺之

澄水帛事見堂宅條

相汗事見寺條

鳥鼠同穴長安志渭水出鳥鼠同穴山按山海經云鳥鼠
同穴山在隴西山有鳥鼠同穴鳥名鵠鼠名鼯如家
鼠而尾短穿地入數尺鼠在內鳥在外而共窠孔安國
傳鳥鼠共為雌雄

鬼市長安志務本坊在安上門外之策興道坊相對務本

坊西門蓋鬼市也或風雨冥晦聞喧聚之聲秋冬夜多
聞賣乾柴云是枯樹精也或月夜聞吟云天街鼓絕行
人歇九衢茫茫空有月又九衢生人何勞勞長安土盡
槐根高

龍行成山三秦記曰龍首山長六十里頭入渭水尾達樊
川頭高二十丈尾漸下可六七丈土黑不毛昔有黑龍
從南山出飲渭水其行道因成土山括地志今括山首
在漢長安城中及營宮殿咸以煙平其餘今長安古城
東南龍首山是也

社樹舊經圖曰董龍蓋屋縣人家貧衆祭社衆遂出之龍
以泥造飯於社樹而祭之後穿地得黃金因大富名其
樹為董龍杜樹

乾湫城南譚在咸寧縣神禾原興盛坊舊有湫池一夜龍

移去南山太一谷退之詩曰天昏地黑蛟龍移雷驚電
擊雌雄隨清泉百丈化為土魚鼈枯死吁可悲退之太一
湫詩曰嗟龍獨侶智出入鬼神間不知誰為助若執造
化問厥處平地水巢居捧天山列峯如橫指石孟仰環
蟠龍石郡縣志蒲城縣南三十里有蟠龍鄉舊經圖曰唐明
皇遊幸見原上雲霧中黃龍蟠屈之象落於地化為石
侶蟠龍以其地為蟠龍鄉今石猶存

飛

魚太平廣記長安鄠郊牛首山有澇河其水有飛魚人
入水魚皆飛出網之魚侶鮒有翅可療痔疾

仙

蛟骨地里志在蒲城北二十里有堯山神祠宋大中祥符年
大旱蒲城尹馮舜臣禱雨於堯山神曰若獲甘雨重修廟
貌雨既霑足舜臣割已俸料人工重修其廟地基隘狹後
展右崖鑿丈餘石中見仙人骨枕肱而卧乃移徙出東巖

安置號為僊蛻宮有人打脛骨折亦有髓眼

僊蛻石新說曰在三川驛中今見有其石磷砢長三丈餘

中闊尺餘狀類梭形上有印入脊骨節大小十餘及兩脇

骨紋纖細雖鐫鎮不能及各深一二分許其上猶有骨餘

安西路儒學教授鹿溪賈棫至元甲午秋初應

安西王召過此題其詩曰北平太守酒半醺怪石飲羽

精入神達磨西來住少室面壁九年遺其真乃知志意

一堅定出入金石猶遠巡至人守已亦大事良由授之

父母身烏鳶奪得與螻蟻終為臭腐同埃塵以柔破堅

出一意全骸蛻入荒山垠水間星月自長夜鏡中花柳

常青春至今石朽骨不朽摩挲刻畫寒磷砢顏回坐忘

尚未省子綦嗒喪無居隣仙人仙去幾千載勝事尚覺

驚西秦欲令造物反汝性命與妻子汝應聞之恕且顛

我來吊古三嘆息愛之慕之不可親北印迴首一大矣
纍纍高塚何其新

辨惑

辨惑

蝦蟆陵本下馬陵新說曰興慶池南烟脂坡大道東有蝦
蟆陵景龍文館記曰乃漢董仲舒墓文士過之皆下馬
謂之下馬陵俗謂蝦蟆陵琵琶行云家在蝦蟆陵下位
下馬陵是也

韓信冢本在襄王壽陵新說曰高帝七年呂后斬韓信於
長樂宮中室葬于霸城門東三十里新店墓極小此冢
在唐長安城通化門外二里制度廣大非人臣之所據
長安志注乃秦始皇父莊襄王壽陵或曰呂不韋冢蓋

不韋始皇之父以此致惑俗傳韓信冢韓侁冢韓生冢皆非莊襄王壽陵是也

司馬冢本許后冢新說曰宣帝許后葬于司馬村比杜陵差小呼為小陵以杜陵大故也秦音以小為少為之少陵改少陵御俗傳大司馬霍光冢非也許后冢是也

陽甲城見城條

十姨廟本杜拾遺廟新說曰同州白水漢彭衙縣也唐明皇天寶十五載夏六月安祿山入潼關法駕狩劍外秋七月肅宗即位於靈武殿改元至德二載杜甫自賊中竄歸鳳翔謁肅宗授以左拾遺甫詩云去年潼關破妻孥子隔絕久麻鞋見天子衣袖露兩肘涕淚受拾遺流離主恩厚有詔許至川迎家南舅崔少甫為泉尉自二川挈妻子至白水而依居焉有彭衙行甫去人思之立拾

遺祠刻彭衙行立其中經五季兵火復建其祠望十婦人呼為十阿姨廟貞祐丙子縣令陳炳勸農問其故父老指其地曰此古廟基也掘出石刻命通安老人段子新為記復建唐左拾遺杜甫祠以彭衙行立其中

小兒原本龍首源新說曰貞觀政要先天後皇子勿別居內年漸長成於東內苑為大宅十六王宅諸孫入於王宅外置百孫院十六王每院四百餘人百孫每院三百人置維城庫諸王孫俸物給用諸王諸子勿得出外其王孫闖難走犬蹴鞠彈射止於苑中龍首原俗號曰小兒原本龍首原也

武底倉本物定倉

新說曰華州下邽縣南渭河岸上乃漢之物定倉也西京雜記物定倉收貯五穀各定其性物不浥壞故秦漢

隋唐皆於此置倉語訛為武底倉本物定倉

百家神本北極神新說曰咸寧縣鳴犢鎮風涼原上有百家神廟其像真武金初陝西東路立五十四猛安千戶鎮防軍寨以鎮西川五十四州每一寨前必立真武或天王殿以壯軍威鳴犢鎮立二猛安寨共真武廟於原上以壯軍威為北極神廟語訛為百家神

炭谷本太一谷新說曰長安京城南八十里山中有太一元君湫池漢武帝祀太一於此構澄源閣前有太一宮俗呼為炭谷

尖角里本名潛駕里新說曰蓋屋縣東有村曰尖角里古老相傳唐僖宗幸蜀車駕潛宿於此謂之潛駕里訛為尖角里

留手足薛綜江西京賦日華山對河東首陽山黃河流於

二山之間本是一山巨靈以手擘開其上以足蹈離其
下中分為兩以通其流今手跡在華山之上足跡在首
陽山下俱存焉

飲渭水淮南子渭水多力宜黍稷列子曰夸父逐日渴飲
渭水不足乃渴死

石鯨鳴吼西京雜記昆明池刻石為鯨魚各三丈每至雷
雨石鯨皆鳴吼鬣尾皆動杜詩織女機絲虛夜月石鯨
鱗甲動秋風

蠟燭自焰高僧傳京城像遠坊有延興寺僧曇延戒行清
高隋又帝幸其寺賜花蠟燭不然而燭自發焰文帝奇
之改為光明寺

鴈塔影新說曰龍池兵後水涸為民田瓜區蔬圃十余年
庚子辛丑歲如引龍首渠水灌池許人占修酒館至壬

寅池水泓澄四無映帶唯見鴈塔影倒於池中遊觀者
無數酒壚為之一空

日月精長安志唐大明宮中有結麟樓注七聖記曰鬱華
赤文與日同居結麟黃文與月同居鬱華日精結麟月
精太上黃庭內景經曰高奔日月吾上道鬱儀結麟善
相保梁丘子注曰鬱儀奔日之仙結麟奔月之仙

布漆異聞錄載長安春明門內舊有天王閣長慶中造與
南內連塙其形高大為天下最俯視宮中大和二年勅
移於興善寺圻時天王腹中得布五百端漆數十箇布
如新漆如水

灰中經長安志崇仁坊資聖寺唐長安三年火焚經藏盡
淨於灰燼中得經數部不損一字百姓施捨數日之間
所獲巨萬遂再營造其寺額殷仲容所題楷法端妙京

邑所稱

音聲樹西京雜記皇城尚書省都堂南門道東有古槐垂
陰至廣祠部呼為水廳言其清冷也相傳其樹夜深有
絲竹之音省郎有入相者俗呼謂之音聲樹

鹽耳羊新說曰同州沙苑出卧沙鹽耳羊其耳小如鹽細
腸如筋其味偏美別處到此大耳羊生小耳羊小耳羊
生鹽耳羊其地脉如此

數目故事

數目故事

三朝漢書注孟康曰中朝內朝也大司馬左右前後將軍
侍中尚書散騎諸吏為中朝丞相以下至六百石為外
朝東朝太后朝也惠帝東朝長樂宮往來數蹕煩人乃

復道故中外東謂三朝

三輔武帝大初元年改內史為京兆尹以渭城以西屬右扶風長陵以北屬左馮翊以輔京師為之三輔

三秦長安志項籍滅秦分其地為三封章邯為雍王司馬欣為塞王董翳為翟王謂之三秦

三館西京雜記平津侯公孫弘自以布衣為宰相乃開東閣營客館以招天下士其外曰欽賢之館以待大賢其次曰翹材之館以待大才次曰接士之館以待國士其有德任毗贊佐理陰陽者處欽賢之館其有才堪九列將軍二千石者居翹材之館其有一介之善一方之藝居接士之館而躬自菲薄所得俸以奉三館

三軍唐會要羽林軍龍武軍神策軍謂之三軍

三川鄭元注水經曰秦中有三大川涇川渭川洛川非八

水三川也且洛川在同州去長安二百餘里洛河又不在
八水之數且廊州亦有三川華池水黑源水洛水同會
謂之三川杜甫寄書問三川不知家在否

三小川近京城勝遊之處一曰御宿川在長安南四十里上林
苑中有翠微宮含風殿諸離宮別館上宿其中故曰御
宿川二曰樊川在長安南二十五里漢賜樊噲食邑中有
韋曲杜曲皇子陂下杜城諺曰城南韋杜去天尺五三曰
灋川在長安東南三十里地里志灋川即澇川也有南
亭北亭龍首渠堰月登閣鳴犢鎮

四關括地志始皇表河為秦之東門表汧以為秦之西門
東西八百里南北三百里東有函谷關西有大震關南
有子午關北有盧關謂之四關

五陵三輔故事西漢陵寢多在渭北咸陽原上自東南而西

高祖長陵惠帝安陵景帝陽陵武帝茂陵昭帝平陵謂之渭北五陵

五府長安志華州蒲城縣有折衝五府

相原府 孝德府 溫泉府 宣化府 懷仁府

六爻隋開皇二年宇文愷置大興城京城內有東西六條

坡象乾卦六爻故於九二置宮殿以當帝王之居九三立省以應君子之數九五貴位不欲使常人居之故置

玄都觀興善寺以鎮之

六軍唐會要六軍左羽林軍右羽林軍在龍武軍右龍武

軍左神策軍右神策軍

左右六軍長安志大和門外之北從西第一曰左羽林軍

第二左龍武軍第三左神策軍已上謂之左三軍九僊

門外之北從東第一曰右羽林軍第二右龍武軍第三

右神策軍謂之右三軍

八街九陌見街條

八水上林賦曰八水分流於長安顏師古注云八水者涇

渭灃澧澧瀉瀉謂之八水近於長安

八百里秦川水經注曰秦嶺東西八百里水皆北流入秦

川三輔黃圖曰始皇表河華為秦東門表沂隴為秦之

西門中開八百里為秦川

九市見市條

九府圖經云長安有九府丞相府御史大夫府鴻臚府

少府司隸府中尉府京兆府左鴻翊府右扶風府

十一里三輔黃圖曰長安閭里百六十潘岳西征賦注曰尚冠里

修成里黃棘里宣明里建陽里昌陰里

北煥里南平里咸里函里大昌里

十二門括地志引鄠元注水經曰長安城十二門皆通九達
九達三塗洞開隱以金椎周以林木左右出入為往來
之經行者升降有上下之別

十二廐 都廐 未央廐 登華廐 金廐 輜軫廐 太廐

駒駘廐 果馬廐 車梁廐 騎馬廐 太宛廐 胡河廐

二十四嶽三輔黃圖曰長安城中有二十四嶽師古曰漢

儀掖庭詔獄令丞宦者為之主理婦人女官也

百二山河漢書曰田肯說高祖曰陛下治秦中秦形勝之

國帶山河之險縣隔千里持戟百萬秦得百二馬蘇林

曰秦地險固二萬人可敵百萬人二人可敵百人故曰

百二也

類編長安志卷之八

類編長安志卷之九

京兆路儒學教授 駱天驥纂編
開成路儒學教授 薛延年校正

勝遊

三川華清宮
雜題附

樊川乃樊噲食邑樊鄉東盡東義谷西盡下社城謂之樊川西狹東廣亦曰後寬川貞觀十九年華嚴禪師生脫肉身葬此起華嚴寺俗呼為華嚴川其山水之清松竹之秀花芳草綠雲烟抗靡晴樓巍巍倚空而巖山灑然

有江湖之趣焉四時之間春畦闢碧夏雲堆白踈木霜
秋魚村雪晚入之遊者肩摩轂擊僕足繭而馬虺隤不
知其倦焉

滴

水樊川河至瓜州村分為二水一水至下杜城出原西
北流為漕河至漢長安城西北入渭一水瓜州村起梁
山堰至申店上神禾原鑿深五六尺謂之抗河至香積
寺西合御宿川交河皆勝遊之地

下

杜城春秋杜伯國也少陵原自此而盡為平川城址尚
在東有宣帝杜陵縣故曰下杜城西有第五橋丈八溝

沈家橋南有賴家橋

羅隱詩曰來往城南十八年賴家橋上滴河邊村醪香

美脫衣典幾度落花相對眠

溫庭筠詩曰水流花落嘆浮生又伴遊人宿杜城家好

五更殘夢覺透簾斜月曉聞鶯 宋諫議陳公別墅在
此有祠堂諫議及三子康肅文定文惠之畫像各書所
試詩賦題於板示不忘本也號曰桂林亭太中祥符堯
咨為永興軍尹題詩於碑曰不誇六印滿腰間二頃仍
尋負郭田當日弟兄皆刷羽如今鴻雁盡摩天扶疎已
間新栽竹清淺仍尋舊激泉大尹今來還又去夕陽旌
旆復翩翩石碑猶在杜城之東故觀察李士衡之莊俗
號為小南山本唐尚書歸登之業也

何將軍山林今為之塔坡少陵原乃樊川之北原自司馬
村起至此而盡其高三百尺在杜城之東韋曲之西山

林久廢上有寺浮圖亦廢俗呼為塔坡

韋曲在樊川唐韋安石之別業林泉花竹之勝境

韋莊詩曰滿耳鶯聲滿眼花布衣藜杜是生涯時人若

要知名姓韋曲西頭第一家莊後自蜀回歸韋曲詩曰
殷勤曾記碧峰前一別溪雲二十年三逐荒涼迷竹樹
四隣凋謝變桑田皇陂况是當年水紫閣空橫舊日烟
多少亂離無問雲夕陽吟罷涕潸然
杜少陵詩曰韋曲花無賴家家惱殺人綠尊雖盡日白
髮好禁春石角鉤衣破藤枝刺眼新何時占業竹頭戴
小烏巾又曰野寺垂楊裏春畦綠水間美花多映竹好鳥
不歸山城郭終何事風塵豈駐顏誰能共公子薄暮欲歸還
千武陵詩曰韋曲城南錦作堆千金不惜買花栽誰知貴
戚多焉束落盡深紅不看來 諺云城南韋杜去天尺五
劉子哀詩曰終日看山不厭山好山不出買山錢欲知
韋曲君家景占得當時尺五天 岑參題韋負外家花
樹今年花侶去年好去年人到今年老始知人老不及

花可惜落花君莫掃若家兄弟不可當列御御史尚書
郎朝回花底常會客花撲玉缸春酒香 韋秉常與光
祿卿劉杞 大理丞尚穎 龍圖范公育從遊三公各
題於韋曲之居 劉杞詩曰韋氏清芬奕世傳至今高
德冠樊川招要野客通三徑保守光疇過一塵春暖因
林花爛熳夜深庭院月嬋娟濁醪滿棹書盈架坐對終
南自晏然 尚穎詩曰韋曲花無賴依然滿故園人情
自傷感春色豈衰繁流冰盡將相幾家餘子孫功名猶
可較欲共古人言 范育詩曰竹蒼松門堆白沙老農
猶指相君家林塘卜築今誰問譜牒名流空自嗟萬簇
晴山開玉案一溪春水滿晴沙

韓莊即韓退之城南雜題又送符城南讀書之地也
孟郊遊城南韓氏莊詩云初疑瀟湘水鑿在朱門中時

見水底月動瑤池上風清氣淨竹木白光連虛室浪簇
霄漢沙岸拂金碧黃何言數畝間環送路不窮顧通仲
仙侶飄然汗漫道張籍同侍郎南溪夜賞詩曰喜作
閑人得火城南溪兩月逐若行忽聞新命真歸去一夜
舟中夜到明韓左在韋曲東皇子陂南引皇陂水為
南塘今為果人楊氏所有穿洞起閣引泉而落池之大鳴
鄭莊即鄭虔郊居在韓莊東南李商隱過鄭虔舊臨詩
曰宋玉平生慢無餘遠循三楚吊三閭可憐留得江邊
宅異代應教瘦信居杜牧之遺鄭瓘詩曰廣文遺韻
留橋散雜犬圍書先一舡自說江湖不歸事阻風中酒
過派平瓘乃虔之孫也

龍堂在皇子陂東北半坡有泉九眼下為一潭內有五色
魚潭上起殿名曰九龍堂泉號龍泉坡

杏花平龍泉東北坡中有平地數百木杏花繁衍名曰龍泉杏花平顏川杜詡撰勝遊錄亦以此坡為唐杏花平樊溪劉伯莊子哀嘗遊此留詩曰誰植千株近帝城會招公子醉升平至今野鳥關之語猶學當時玉勒鳴

牛

頭寺下煎菴坡入牛頭寺今謂之牛頭坡牛頭寺即牛

頭山第一祖遍照禪師之所居也貞元十一平建徐士龍

所撰碑存焉少陵詩曰青山意不盡袞袞上牛頭又

春色浮山外天河宿殿陰太平興國中改為福昌寺寺

之南軒以待賓客軒之東壁有朱公梭題詩曰

節候偶當桐始華遍尋蕭寺喜烟霞勝遊今幸同三友

仁惠將推及万家綠滿田疇齊種麥紅藏村塢爛開花

愛民若副賢侯意共入聲詩與眾誇梭奉帥令訪關食

者將行貸濟

華嚴寺在朱坡下瞰南山之勝霧簾玉紫閣圭峯舉在

目前不待脚歷而盡也 羅隱詩曰華嚴而轉遠朱坡

每到春時日夕過曾向姚家園裏醉牡丹紅紫數千窠

宣宗幸寺詩曰雲散晴山幾萬重烟收春色更冲融

殿恨出空登碧漢避川俯望色藍籠林光入戶低韶景

嶺氣通宵展霽風今日追遊何所侶莫漸漢武賞汾中

寺僧子高出公卿賢丈夫詩凡數百篇皆題華嚴寺也

唐供奉僧子闌詩曰萬木葉初紅人家樹色中疎鐘搖

兩脚積兩浸雲客雪磧回寒雁燈村促夜春舊山歸未

得生計歎何從

杜家灣章曲東朱坡者御史莊東之坂也許渾和淮南相

公與賓客重遊瓜州村別業題以此考之滴水兩瀆南

有瓜州村北至朱坡中為杜家灣皆杜氏業也淮南相公舟

行阻風詩末句云必期解印同君醉九曲池西望月來
杜牧郊居九曲池玉鉤亭遺址尚存貞元十一年杜佑撰
通典二百卷自淮南使人獻之佑檢校左僕射同平章事
故許渾曰淮南相公佑三子師損式方從郁牧從郁子
也牧自吳興守拜考功郎知制誥盡吳興俸錢創治其
墅出中書直丞召昵容往遊之意嘗語裴延齡曰自古
富貴磨滅者不可勝紀我雅走於此得官受俸再治宅
居我及老為樊川翁既不自期富貴要有數百首文章
號為樊川集顧樊川之草木禽魚亦無恨矣牧之嘗為
朱坡三絕句其一曰故國池塘倚御渠江城三詔換魚書
曹生詞賦恨流落抵向長沙住歲餘其二曰烟深苔卷
唱樵兒花落寒輕倦不歸藤岸竹洲相掩映滿池春雨
鷓鴣飛其三曰乳肥香洞生鴉管地避回宮勢犬牙自

笑倦懷頭角縮蹄盤烟燈恰如蝎詳此景此樂豈容兒輩覺邪

范公王居范氏莊本唐政國杜公郊居也門人權德輿為之記其略曰神京善地啓夏南出凡十有六里而仁智之居在焉下峯崗冒青倉步履平夷以至於堂皇四敞賓榻中容宴豆孤齋閑館幽槩附之乃門洞穴以導泉脉其流泠泠或決或停激而始行暴為玉聲初蒙於山下終應於地際白波淪連以方塘輕艦緩棹泓洄上下見烟霞澄霽之狀魚鳥飛沉之適濯于潺湲風于碧鮮紅葩火然素英雪翻綺熒蕙香青篠回合虛巖以似遠邈清輝而交映唐舊史稱佑城南樊川有桂林亭卉木幽邃佑日與公卿宴集其間元和七年佑以太保致仕居於此焉武方傳又云甲第在長安里杜城有別墅亭館

兩京新記

〔唐〕韋述撰

據日本刻佚存叢書本
影印原書版框高一三
四毫米寬一七八毫米

林池為城南之最。昆仲與時賢游從，其樂有節。收之賦曰：子之思歸，方走杜陵之西道。崑與天深，地早木老。隴雲秦樹，風高霜早。周臺漢園，斜陽衰草。許渾題故太保杜公池亭云：杜陵池樹倚城東，孤島回汀路不窮。高岫乍疑三峽近，遠波初似五湖通。梧桐葉暗蕭蕭雨，菱杏花香淡淡風。還有昔時巢燕在，飛來飛去畫堂中。錢起題杜舍人林亭云：來訪龍樓客，時逢酒瓮新。花齊雲入幕，苔運竹迎人。鵲喜嬌遲日，鶯啼惜暮春。不須耽小隱，南院在平津。范公熙寧中自侍御史出，曾此莊於尚書郎胡拱辰。胡之前猶為杜氏有之，自杜至范三易主矣。今猶謂之御史莊。莊有溪榭崑軒江閣圃堂林館，謂之范公五居。

澄衿院在孫村唐左街僧錄遍覺禪師智慧輪塔院也有

碑尚存前後庭中有八柏樹凌霄花北崑引泉架竹落
庭注之石盆落方池瑩澈使人不覺忘俗慮焉

元莊在澄衿之東元暨世為樊川人范御史五居元以里人
得從遊行之末元和中范公守蒲州以暨名昇之其居
北倚高坡泉聲泠泠植花於圓穴洞於宮起閣池上隱
隱然藏於茂林脩竹之間真幽勝之趣進士王賓宿而
題詩曰嘗愛樊川景物奇秋來乘興試遊之元家新第
添今日范氏郊居憶舊時窓外好小青丹竹間流水
綠漪漪通宵言論情無限幸有金波酒滿卮

清閣宋李構所建倚栢坡鑿洞塑三清像呼為三清閣碑
之所載詳矣道人樊志亨主之下有林泉園亭

阮家菴在揚方坡道東茂林脩竹北倚松檜高原中有飛
泉瀑流俗傳舊黃四娘花園金朝剋石烈千戶莊男避

軍役披耗學道俗呼為耗家巷今為道觀

王駙馬林泉在延興寺東夏侯村王氏林泉久不治比年

弟兄多在長安稍修葺長楊高柳寒藤古木流泉猶為

勝境今為白雲觀

白氏莊在王氏之東世傳白侍郎莊宋朝奉郎白序之莊

中有八題列如左其詩曰

揮金堂當年取樂即揮金今日幽人慕此深朝士縉紳

都不胡囂然卜築近山林

順年堂滴上堂成耳順年肯將軒冕換林泉應知此地

非休老改寫霧髯向坐前

疑夢室既往悲歡如夢寐眼前勞後厭形開利名不是

尊生事得失應徒數昧來

醉吟菴先德往來稱此號高人今日榜茅茨菴前鶴在

君須問應見頽然撫白鬚

翠屏閣終南重疊倚晴天恰似屏開几案前解道新樓

著處穩何妨不出買山錢

林泉亭杜陵原下石磷磷鑿破寒泉澈底清舉世無嫌

太孤潔華清安得擅佳名

卓茂亭竹下幽亭石作基亭前桂木疏辛夷林間採得

春光到滿樹紅香蝶不知

崑桂亭為憐桂種異凡村特向崑隈趨雨栽風過天香

無覓霧兒然疑是月中采

白序字聖均自言白侍郎後

華州曹輔題詩浮雲萬態變朝昏疊嶂尋常翠滿門錦

里先生多勝事香山居士有賢孫春風樓閣開蒼響晚

雨池塘見履浪寄謝世間無此樂起予歸興憶江村

金朝為石氏園亭疏泉為方池曲檻有四銀亭八銀亭
正大七年趙尚書遊題詩曰石氏園中竹一圍眼前勝
事只心知幽禽有語能留客流水無情自入池客裏歲
華將盡日鬢邊白髮獨來時醉吟吟後往吟者又得閑
閑一首詩今為故中書映西四川宣撫使襄山楊公

謚忠肅公祠堂有碑

杜曲有南杜此杜唐史稱杜正倫與城南諸杜素遠未同
並不許街之世傳所居之城杜固有壯氣故也衣冠杜
正倫執政建言鑿杜固既鑿川流如血閱十日止自是
南杜稍不顯蓋杜固謂之南杜今所鑿崖壑尚存俗呼
為鳳凰嘴北杜今為杜曲牧之詩杜曲花光濃侶酒霸
陵風雪老於人許渾送段覺歸杜曲詩云書劔南歸
去山扉別幾年昔侵崖下路菓落洞中天紅藥高齊雨

青蘿曲樵烟寧知遠遊客羸馬太行前
杜甫常稱杜曲諸生少陵野老蓋少陵杜曲相近故也甫乃晉征南將軍預之後預玄孫隋宋武南過後為襄陽人甫曾祖為羣令後徙河南有宋孫洙為甫傳以牧之為族孫蓋同出預之後故也甫亦城南諸杜之族尔故其詩多道城南之景也

姜

保俗呼姜保底有李文度莊多竹木花卉賓館

蘇舜欽詩曰杜曲東邊風物幽我來繫為獨遲留門前翠影山無數竹下寒泉水亂流酒壓新陳常得醉花開
者次不知於主人誰索勞塵事早晚歸來今白頭
興教寺總章二年建有三藏玄奘真身塔慈恩西明二塔存焉開成中沙門令揔重修此田郎中兼侍御劉軻所撰三藏法師塔銘左庶子兼御史中丞李弘度所撰慈

思大師塔銘有宋政和乙未同州僧廣越創建大周兩
明國測大師舍利塔貢士宋復撰銘三藏真中位塔差
高大左慈恩右西明塔差小滿人胡子金有詩曰白塔
月移山字影青松風唱海潮音

玉峯軒在興慶寺北松會半原地形高爽面對玉峯元
豐年龍圖呂公祈禱太一漱道經是寺登北崗南瞰玉
案今其僧創軒為登眺之所權長安令陳正舉為之記
其略曰與教所據矣高阜倚大澤有崗分行以翼其前
有松茂植以蔽其後面有大山噴坑轟出列屏悵環勢
擁抱衆松軒前其名曰玉峯琪川自韋曲而東於兩崗
至此則原隰平衍山本秀麗有若下崑谷而遊乎廣莫
之野出巫峽而泛乎洞庭之淵襟宇脩然瞻視天闊登
之者之以聘懷於界外遊目於大虛矣 宇宙之大品

類之細遺形反照有以寄心於無窮則為軒之意豈止於斯而已哉僧晏靜刻之石

龍

泉寺直上紫山之北孟郊詩曰鳥飛不到處僧秀統

山顛龍在水常黑雨開山更鮮步出白日上升依清溪
遙地磽松桂經石險道途偏晚磬送歸落數聲落遙天
今龍泉寺廢二龍塔尚存

三

像院在興教東開元中建北倚高原數百尺刻三大像

貞順皇后墓在北原上此為看墳寺姚嗣宗詩云朝遊

南山南暮宿北崗北安心虎豹叱垂耳龍蛇谷稻鋪韋

曲碧木鋪樊川黑行盡大和鄉名得非所得僧文辨

詩曰境靜梵音傳響谷齋餘野鳥下虛廊月高杜曲軒

總冷花滿樊川殿閣香

蓮花洞在杜曲南樊村倚神木半原高百尺鑿數洞俗呼

蓮花控亦云鄭駙馬洞按唐書明皇臨晉公主下降鄭
皮姪鄭潜曜臨崖築洞以避暑 杜甫鄭駙馬宴洞中
詩曰主家陰洞細烟霧留客夏簟青琅玕酒杯濃琥珀
薄永漿挽碧瑪瑙寒悞疑茆屋過江麓已入風磴覆
雲端自是秦樓厭鄭谷時聞雜佩聲珊珊今為野僧之
居

道安洞樊村之東南靠神禾原鑿洞晉道安和尚所居
眺樊川之景洞中塑道安像前起塔立碑俗呼為愁師
控是也

胡相別墅在樊川中書丞相胡公年老致仕於杜曲求田買
舍植栽梅竹引泉鑿池葺治賓館亭臺以為幽棲之所
左圖右書日與士夫宴飲為終焉之計命工繪樊川歸
隱圖翰林待制孟攀鱗為序長安諸公皆題其詩

李教授庭云赤心報國已無慙白首休官更覺賢杜曲
 田園花侶錦長安風月酒如川楊譽云黃閣歸來已
 自矣人間真有地行仙故逃海內無雙譽來隱城南尺
 五天百頃桑麻連杜曲四時花木壓秦川論功終在麒麟
 麟上先着光孫畫裏傳功成身退知天道漏盡鐘鳴
 戒夜行裝度朱能歸錄野謝安肯復為蒼生青山好處
 林泉在黃閣歸來履烏輕從此雲中傳盛事盡圖不獨
 觀梁程程子平梁肅程輝皆雲中人也天定問相繼以一
 七關當時時人歌詠為成事公畫師趙紹隆作雲中一
 宋世雲中故及之中之謹謹題
 廉相泉園至元改元平章廉公行省陝右愛秦中山水遂
 於樊川杜曲林泉佳處葺治廳館亭榭導泉灌園移植
 漢沔東洛奇花異卉畦分棊布松檜梅竹羅列成行暇
 日同姚雪齋許魯齋楊紫陽商左山前進士邵大用秦

明之郭周仰張君吳樽酒論文彈琴煮茗雅歌投壺
燕樂於此教授李庭為之記征西奏軍時亭陳選題其
詩四絕其一曰瘵木傳津返或客痿花挾澗舞春風有
泉如此儘堪老何事蒼生重惱公 其二曰亂系紫莖
次第花牡丹全盛動京華紅雲一片春風好便是山中
宰相家 其三曰郊原獵獵駐雙旌林媪溪翁說姓名
一股玉淙飛不斷請書牋下野泉鳴 其四曰秦人解
道相君矣一去朝天忽九年最好歸來頭米曰廣泉初
不讓平泉

趙氏別墅至元甲子宣撫趙公於樊川楊萬坡就崗原爽
壇葬考妣樹松楸前建先廟豎豐碑修葺園亭導水灌
園以為別墅因而家焉自號樊川釣叟中有適安堂歸
潛洞趙公泉商左山皆題人生適意與身安兩事能兼世所難收脚

潛洞趙公泉

商左山皆題

人生適意與身安兩事能兼世所難收脚

北牕山四座蒙頭衲被日三竿已知事業名先了回想風
波膽尚寒滿目西園况成趣等閒莫放酒杯乾

歸潛洞

雲間壑透蒼崖背云身那知暑氣炎火撲淳

風還太始一川勝槩盡群橫身利害驚清脫冷眼功名
儘白拈髮齒未衰閑固好恐難歸去似陶潛

趙公泉

桃李成蹊各自春此泉消得姓名新曾

屑甘而冽試釀雲腴滑且醇老去已曾諳世味歸來安

與濯纓塵我知一槩功猶在自有餘波及後人

李氏牡丹園在安化門西杜城北五里河東北路行省郎中年人

李煥卿子信之所葺也信之不喜仕進日涉經史葺園治

田樹藝為事園植牡丹僅三四百窠他花祇是亭臺旁午

每花時遊者車馬闐咽肩摩袂擊酒壚時一釐秉忠喜賓

容士夫遊者輒留飲宴名士篇章盈軸騎亭陳先生有

詩曰雁塔西邊處士家
經年培養牡丹芽
一枝先折趙飛燕
郡艷尚陪陰麗華
幽徑小欄通曲檻
危絙促柱殿清茄
聞身健在伸眉好
明日狂風掃落花
山木老人王國賓
木蘭花慢擅花王尊
號許獨步藥珠宮
更露葉烟苞
天香國艷占斷春風
青州越州名品借風流
不與洛京同千字
示與賦雅五言白傅詩
工誰移仙種到秦中
青帝瑞雲紅侶天寶
繁華沉香檻北興慶池
東年一至人高宴
恐無情風雨又成空
回謝姚黃魏紫汗顏
脫落芳藂

御宿川

御宿川在長安城南四十里
東至石盤谷西盡澧水
東西五十里南北十五里
揚雄傳曰武帝開上林南苑
至宜春鼎湖昆吾旁
南山而西至長楊五柞
北繞黃山瀕渭而東
孟康曰為離宮別館
禁御不得使人往來遊觀
止宿

其中改曰御宿然則旌川御宿背上林苑之地孟子曰
又王之園方四十里烏堯者注焉雉兔者往焉漢武上
林苑巨四百餘里禁御使人不得遊觀豈文王之意哉
蘇舜欽詩曰春暮曾無禹物心野行聊得攬鞍吟路經
廢苑情通古水逸蒼山意共深殘日花間浮暖氣斷雲
樓外捲輕陰騷人自昔傷鵲鷓休苦風前弄好音

南

五臺圓光寺有觀音靈應文殊普美現身五臺皆高山

峯也每歲春時遊人舟、遍於山谷進士王正卿詩曰

不上臺山四十年今朝了却好因緣歸來捲起龍眠畫

紙上丹青不直錢

百

塔在梗梓谷口謂之興教禪院有松風閣越王臺乃唐

信行禪師之塔院也裴行儉妻庫狄氏嘗讀信行集錄

及後寔於終南山鵝號堆信行塔之後由是慕信行者

翠

往往歸墓於此謂之百塔今小塔累累相繼信乎其塔
之多也蘇舜欽詩曰驅馬南山訪故蹤僧居瀟灑出
塵籠遠庭石鱉谷間水當戶鳴號堆上風無限老秋色裏
數散踈鐸月明中林雞坐聽三疏罷去：前朝氣味同
微宮在終南山上木武德八年建太和宮也貞觀十年
廢二十一年太宗厭禁內煩熱公卿重請修築將作大匠
閻立本再葺焉改為翠微宮籠山為苑北開曰雲霞門
視朝殿曰翠微寢殿曰舍風并為太子楫別宮西開曰
金華門有安喜殿元和九年廢改為華微寺
太宗文皇帝詩曰數光凝翠嶺涼氣肅離宮荷踈一蓋
缺樹冷半惟空側陣移鴻影圓花釘菊叢攄懷俗塵外
高眺白雲中劉禹錫翠微寺有感其詩曰
翠微寺木翠微宮樓閣亭臺幾十重天子不來僧又去

樵天時倒一株松

草堂姚泰遙園也有須彌山波若臺鳩摩羅什譯經處
後為禪院在圭峯下羅竹死焚之其舌不壞塔猶存什
徒僧肇於此作肇論唐圭峯禪師宗密作禪源請詮以
破禪家之失張茂中詩曰當年謾讀鳩摩傳今日翻思
僧肇書門外一峯圭影直庭中雙檜綠陰虛 兵後耶
律中書重修疏詩至峯曾此振吾宗 一火成空電影同
便請檀那速垂手却教拈出草堂風 趙閑詩曰
憑誰守語草堂靈我是無塵有髮僧 一見圭峰如舊識
侶緣曾繼祖師燈

重雲寺在草堂之西太平谷口圭峯正北山明水秀五代王彥
超莊捨為寺正殿東壁間王思溫畫太宗與三藏主焚
對談西壁畫玄宗與勝光法師對談至今猶存號為詩

紫閣山在草堂東南杜甫紫閣峰陰入漢陂 樞密章惇

紫閣詩曰我生山水鄉習得山中樂每覩唐人詩夢寐
思紫閣欲為秦山行常苦道路邈君言舊曾遊使我心
踴躍我今既西來而子滯天角雲山空在眼詩酒乖侑
醉誰題壁問詩歲久墨色薄人生定能幾當此感離索
橘靄浮青落日滿崑空驪龍儼將駕顧我猶淹泊

羅漢山寺在終南山入石鰲谷十里有羅漢寺又緣崖上
嶺行二十里有羅漢石洞遊人甚多下瞰五臺千嶺萬
壑列于洞前

豐德山在終南山中有豐德禪寺長老多出於此傳燈錄
如何是和尚家風豐德曰觸事面壁

雲感寺在灃河東岸宣律師於此持律有崢土壇四門入
憲律師行通壇上失脚有韋將軍捧足長楊高柳寒藤

古木飛鳥不嚴棲巢於上

廣惠公祠在石鰲谷口關中記終南太一左右三百里內為
福地秦末東園公夏黃公綺李季角里先生隱避以待
天下之定在此山中也四皓廟當時謂之捷徑文帝詔
建終南山祠重冊為廣惠公命長安縣令杜熿南山置
祠柳宗元碑云據天下之中在都之南西至於褒斜文
西至於隴首以臨於我東南至商嶺久東至於大華以

距關後三月十八日土王日致祭

石鰲谷交河所出谷口有一圓石色白形如鰲大如三間屋謂
之石鰲谷天門界北直京城明德門又直皇城朱雀門又
直宮城承天門故曰天門界又曰天門街許渾大門街晚望
詩曰明星抵未央蓮閣迥蒼蒼疊鼓催殘月踈鐘迎早
霜開河浮瑞氣宮闕耀神光再拜為君壽南山高且長

太一谷在長安縣東南八十里終南山裏太一之神史傳道

書所載前矣辟刻徵應甚多漢武帝紀於方冊古者天子祠太一於南郊帝令太祝祠於長安東南辛亥帝姑郊有美光通晝黃氣屬天又通書三洞秘典所載九天無量三林太一元君之周大風雨神龍水仙皆隸焉武帝元封初降于終南山巨谷間雲氣融結隱然成象東上二十里許出一大池魚游泳莫之敢觸帝初建上下宮選羽流焚脩封其山曰太一池曰澄源達晉元帝開祈禱有應御書蓋封金華洞天在隋唐興崇尤盛及後晉柔中令鎮雍苦旱請而獲應且奏重修有宋已金敬奉尤甚遣使沉祭

大元龍興 列聖所循咸重敬 天事神之祀遣使降香屢

獲感應 太一谷題字自谷口穿雲渡水躡亂石冒懸崖

行十餘里數岸頗偉登道之半有司馬溫公熙寧間於石壁隸書二十八字其緯曰登山有道徐行則不因擇平穩之地而置足則不跌人莫不知之鮮能慎

子午谷在御宿川終南山口漢武帝所築子午關三秦記

長安城南有大谷連梁漢道號子午谷北直長安城

蒙溪在御宿川東南山之半原泉北流五福山南遠澗口

若畫屏取易山水蒙卦號曰蒙溪中山劉處士愛山水明秀

穴洞而居兵後道者何淵夫葺為道觀長楊高樹攀藤枕

葛傍崖過橋行三四里始見懸崖高閣如入蓬壺之境而

忘其歸 商左山詩曰竹根流水樹頭山朝鏤蹄雲暮帶

名勝舊傳天尺五壁間詩更盡時賢 楊愔齋詩曰

一卷盡領五臺山、在雲烟紫翠間老竹生孫梅結子

來遊此地不知還

乾湫在神禾原與盛坊舊有湫池龍移去遂涸謂之乾湫
韓退之詩曰天昏地黑蛟龍移雷驚電擊雉隨清泉
百尺化為土魚鱉枯死吁可悲謂龍移於大一湫池也退
之詩曰厭震平地水粟居挿天山

澆川

澆川在長安城東南三十里焦戴川自東南來澆川自西
南來兩川相合為澆河川兩岸出泉無數中間澆稻塍
竹木桑麻花園蔬圃春時遊人不絕樊川御宿與澆川
號為三川近城遊賞之處

鳴犢鎮在兩川口有漢武鳴犢泉朱姬洞深遠透樊川花
卉竹木有金紫光祿大夫張太尉別墅號曰小南山泉
脉交流水動碾磨

負莊在焦戴川北枕白鹿原唐負半千之莊蓮塘竹徑餘

醴架海棠洞會景堂花塢藥畦碾磨麻縞地諺曰上有
天堂下有負莊

湧珠泉在負莊北一里白鹿半原一泉方濶數丈不見其
底有泉泛湧玃珠大小不等至水面而散晝夜無時而
息泉流百步臨高崖千尺而落為瀑布下有一大石龕
濺為雪片為噴雲崑下為一渠流入負莊王清卿詩曰
竹徑蓮塘小有天過橋直到湧珠泉至人不識烟霞客
與盡山陰訪戴船

龍首堰在濤川馬頭埧堰澆水入龍首渠二十里至長樂
坡上分為二渠一渠北流至望春宮西北入新城一渠
西流入興慶池又西流入城壕

神谷在澆水東白鹿半原有泉湧出水味甘冽釀酒香美
唐時以神策軍禁寺謂之神谷日以駱駝運水入大明宮

醞造御酒

華清宮

華清宮其說備見泉條 皇甫冉華清宮詩云巉岫接新
豐岩羨駕翠空鑿山開 祕殿隱霧閉仙宮絳闕猶栖鳳
雕梁尚帶紅溫泉曾浴日華館舊迎風肅穆瞻雲輦深
沉閉綺櫺東郊望奇處瑞氣靄漆 杜牧詩三十韻
繡嶺明珠殿層巒下繚牆仰窺雕檻影猶認赭袍光昔
帝登封後中原自古強一十年際會三万里農桑几席
延堯舜軒墀立禹湯雷霆驅號令星斗煥文章釣菴乘
時用芝蘭在處芳北扉閑木索南面富循良至道思玄
圃平居厭未央勾陳裏崑谷文陸壓青蒼歌吹千秋節
樓臺八月涼神仙高飄縵環珮碎丁當泉煖涵臆鏡雲
嬌惹粉囊嫩嵐滋翠葆清消照殘粒恬泰生靈壽歡娛

序歲長月聞仙曲謔霓作舞衣裳雨露偏金穴乾坤入
醉鄉玩兵師漢武回首倒干將鯨鬣掀東海胡牙揭上
陽喧呼馬嵬血零落羽林槍傾國留無路還竟怨有香
蜀峰橫慘淡秦樹遠微茫鼎重山難轉天扶業更昌望
賢餘故老花萼臨池塘往事人誰問幽襟獨傷碧簷
斜送日紅葉半凋霜迸水傾瑤砌踈風罅玉房塵埃竭
鼓索片段荔枝筐鳥喙推寒水蝸涎索盡樛孤烟知容
恨遙起秦陵傍 宮中上下殿閣列如左

老君殿在驪山上天寶七載玄元皇帝見千朝元閣之南
立隆聖觀建老君殿於驪山之上斷白石為老君像制
作精巧今見存

七聖殿亦曰御容殿在宮中自神堯至睿宗昭成明肅皇
后皆衣立侍玄元太上老君繞殿石榴皆太真所植

長生殿按寔錄天寶元年新作乃齋殿也有事於朝元閣

即齋沐於此殿

明珠殿在長生殿之南近東也在驪山之上杜牧之三十

韻詩繡嶺明珠殿

四聖殿在驪山之上重明閣之南殿東有怪柏

玉女殿今星長湯上有玉女殿北有虛閣：下即湯泉二

玉石窠湯從甕中湧出

飛霜殿在宮中寢殿也白少傅以長生殿為寢殿非也

功德院在七聖殿南其間瑤壇羽帳皆在焉順與影堂果

老藥室亦在禁內

御湯九龍殿亦名蓮花湯在飛霜殿之南說具泉條

唐太宗過温湯詩曰温渚停仙驛豐郊駐曉旌路曲迴

輪影崑虛傳漏聲暖溜驚湍駛寒空碧霧輕林黃疎葉

下野白曙霜明眺聽良無已烟霞斷續生

唐玄宗詩并序惟以溫泉是稱愈疾豈予獨受其福思與兆民共之乘暇巡遊乃言其志詩云桂殿與山連連湯湧自然陰崖含秀色溫谷吐潺湲績為蠲邪著功因養正宣願言將億兆同此共昌延

張說奉和溫泉言志應制詩曰溫谷媚新豐驪山橫半空湯池薰水殿翠木暖烟宮起疾愈仙藥無私合聖功始知堯舜德心與萬人同

笋殿在御湯南殿側有魏溫泉堂碑其名瑩澈照見人形影

宮中號為願黎碑

朝元閣天寶七年玄宗皇帝見于朝元閣即改名降聖閣

按上文立降聖觀疑非是

重明閣在四聖閣北臨高有重明閣倚欄北瞰縣境如在

諸掌闢下有方池中植蓮荷池東鑿井每盛夏泉極甘
冷邑人汲之

集靈臺石長生殿側天寶元年作則齊沐以祀神

望京樓在西繡嶺上有御夾道上嶺以望京城

瑤光樓在津陽之東南有小湯

觀風樓在宮外東北隅屬夾城而達于內前臨駝道周覽

山川大歷中魚朝恩毀折以村木脩章敬寺

開雞殿在觀風樓之南東城父老傳明皇乙酉生而喜聞

雞每晴明節閉雞戲及即位治雞坊索長安雞千數

養為雞坊選六軍兒五百人使畜擾教飼之諸王外戚傾

帑敗產布雞賈昌為五百心兒長天子甚愛之金銀之

賜日至其家杜詩閉雞初賜錦

按歌臺在開雞殿之尚臺南臨繚牆

舞馬臺在開雞臺之北明皇雜錄嘗令教舞馬四百蹄目
之曰某家嬌其曲謂傾杯樂奮頭鼓尾無不應節又施

三層木床來馬於上抃轉如飛

羯鼓樓在朝元閣之東近南繚牆之外

斜陽樓在老母殿北古詞斜陽樓上凭欄于望長安

烽火樓在驪山頂上以舉烽燧

老母殿在斜陽樓南李奎授陰符經處

王母祠在驪山上玉案峯前 鄭愚津陽門詩云玉蕊峰

前王母祠

丹霞泉在朝元閣南水流入飲鹿槽

飲鹿槽在朝元閣南磴丹霞泉水以飲馴鹿

荔枝園在繡嶺下栽荔枝成園今廢

梨園在荔枝園東梨園弟子按法曲處

金沙洞在長生殿南三十韻金沙洞口長生殿
連理木在玉女殿東古槐樹兩樹相並上相連長恨歌在

地願為連理枝野火焚毀

雙皂角在連理樹北臨崖野火焚毀樹根復生永結

輦道在昭陽門南山門登朝元閣之路唐之御輦道也

牡丹溝新說曰在繡嶺下滿溝盡植牡丹至今山牡丹猶存

芝蘭谷新說曰東繡嶺石甕谷滿谷盡植蘭蕙至今猶存

有玻璃碑在笋殿側已上殿閣盡廢今為觀道士居之

雜題附

渭城朝雨

漢書郡國志渭城乃秦之咸陽高帝七年改

為渭城縣今渭北中橋鎮是也其地多柳武帝築茂陵

於西北二十里取便脩橋謂之便橋亦曰咸陽關唐改咸

陽縣王維送元二使詩曰渭城朝雨浥輕塵客舍青

柳色新勸君更盡一杯酒西出陽關無故人

樊川晚浦樊川長安城南二十里潏水兩岸出泉無數茂

林脩竹稻溪蔬圃趙開詩曰幾家蘿落掩紫闌盡

在浮嵐湧翠閣稻穰明遠通白水竹稍缺處補青山

江春早劉設錄曲江本秦隄州其地屈曲唐開元中

疏鑿為池引黃渠灌為曲江池岸有紫雲樓綵霞亭竹

木花卉環繞都人泛舟遊賞盛於上巳中和杜詩江頭

宮殿鎖千門韓退之詩曰漠漠輕陰曉自開青天白日

照樓臺曲江水滿花千樹有底忙時不肯來

興慶夜月松廳錄九龍池垂拱中秋雨流潦成小池景龍

中引龍首渠水灌淤漫數頃呼為景龍池語訛為九龍池

近興慶宮開元間改為興慶池南有花萼樓勤政樓巢

寇燒毀喬辰詩曰花萼樓傾有故基行人空讀火餘碑

可憐興慶池邊月曾伴寧王玉笛吹

雁塔題名

唐會安雁塔乃慈恩寺西溪園院也沙門玄

奘先起五層永徽中天后與王公捨錢重加營造至七層四周有纏腰唐新進士同榜題名於塔上有行決之列唐韋杜裴柳之家兄弟同登亦有雁行之列故名雁塔武昌節度程公琳詩曰輕裘訪古出南城竇剝雲烟拂旆旌三十年前進士雁塔無慚一題名

杏園錫宴

譚賓錄古園與慈恩寺南北直焉唐新進士

放榜錫宴於此唐人尤貴進士第開元天寶為盛新進士以泥金帖字附家書中為報喜信鄉曲親戚以聲樂相慶大中元年五方效進士榜依舊宴杏園白居易與劉禹錫詩曰怪君把酒空惆悵曾是貞元花下人自別花來多少事春風二十四回春杜牧詩曰夜來微雨洗芳塵公

子驂駟步始句莫怪杏園憔悴甚滿城多少帶花人

紫閣丹青

隋嘉話錄紫閣山名也在御宿川南山中杜

詩紫閣峯陰入漢陂山中有寺山上多丹青樹其葉紅

紫亦曰華蓋樹寺有閣御史薛昌朝詩曰閣下寒溪漲

碧湍閣前蒼翠數峰環危梯續蹬穿松外細竹分泉落

石前好鳥啁啾爭喚客亂雲開合巧藏山獨來應為禪

僧笑少有人能伴我閑

輞川疊嶂

山海經商嶺水流至藍橋伏流至輞谷如車

輞環轉落疊嶂入深潭有千聖洞細水洞茶園栗嶺唐

王右丞莊詩曰積雨空林烟火遲蒸梨吹黍餉東菑漢

漢水田飛白鷺陰之夏禾晴黃鷗山中習靜觀朝槿松下

清齋折露葵野老與人爭席罷海鷗行處更相疑

玉案行雲

關中記玉案山在長安東南八十里太一谷東

山峯齊如業幽錄玉素山有金華洞太一湫周地圖云
玉素山有丹：行雲如瀑布則澍雨古詩雲從玉素峰
頭起雨自金華洞口來

太白山

三秦記太白山在武功縣其山不知高幾許諺

曰武功太白去天三百周地圖太白山亭上有積雪無
草木望之皎白故曰太白李白詩曰太白何蒼：星辰
上森列去天三百尺邈爾與世絕

高觀潭

關中記高觀谷在御宿川草堂東南谷口瀑布

千文落深潭人望之心驚股慄不敢逼視謂之煎油潭
紫陽先生詩曰玉龍投絕壑銜鉄馬戰陰風

碯溪

史記呂望於碯溪垂釣西伯獵於渭水與語大悅同

載而歸今碯石猶在李長源詩曰封侯輸與曲如釣冷
坐碯溪到白頭老婦厨中莫彈鉄白魚待躍武玉舟

柳塘 冥間錄危邨有柳塘在兩山下有紫陽泉清風閣
植柳千株紫陽先生傳業門徒百餘人李長源詩長安
四望少城隈揚柳陂塘手自栽渭水波光搖草樹終南
山色入樓臺平生事業書千卷浮世功名酒一杯我亦
陸渾山下去擬尋佳處斲莓苔

類編長安志卷之九

類編長安志卷之十

京兆路儒學教授駱天驥編集
開成路儒學教授薛延年校正

石刻

長安自周秦漢晉西魏後周並為帝都其古跡
法書石刻甲天下遭巢寇之亂五季宋金革火
踵繼其帝王陵廟功臣時相家墓及古之事跡
名賢法書石刻焚毀十已八九惜乎神物掃地
僕自幼酷嗜古人法書石刻僅有存者不憚涉

遂校刻并而述訪於錄書其一名堅所在與六
十年家成編附長安志後其應代前賢之書

然滿載與好古君子共覽馬路天墜序

司百數文在應翔府天興縣西二十里石形如鼓其數

百十可見者四百六十五字蓋紀用宣王岐獲之事謂

之撥歸吳之則史籍大疑也年代斯遠字多訛缺舊在

石數則亦難安於野司馬述待前知鳳翔董置於府學

其石重須額今之為碑者上曰象刻缺可辨者幾布政和

體榮入行京大知嚴新說曰今鳳翔猶有好事者模石

篆或三韻陽宮道銘曰羽陽十歲得在鳳翔府寶雞縣

其說若之之蜀是頭好事者刻諸石新說曰中統二年

鳳翔天興觀是碑與道碑亦似雲篆

秦祀大沈久沈天治年二年拜者得秦道碑於朝那款傍

土人怡然不察真有遺其詳者其立三立我予方帥兵
平京聞之因從置錄歷觀其具今既成而存詛楚文
者無異稟畫符完便去但後稿稟不經確委反然竊究
春俗本異尚鬼狃常勝弱視無一一旦見於刑靈不勝其
墳以三橋鬼神靈證咒雅等也五現不遺後裔雖然考其
書蹤詞語氣象高古有三代遺風是可取也竹之學官
期不而以君諸女多時意沈沈日十二月初吉宋人蔡確記
新說曰丁巳年六月于去六盤山親觀其碑政錄之
秦碑山碑秦相李斯書跡也終古殊為世重郵文寶核刊
石於長安故都國子學心在文廟
漢西嶽石闕銘云永和元年五月癸丑朔六日戊午弘農
太守常山素氏張默為西嶽臺山作石縱高二丈二尺其
後為顏語文詞頗怪人字多假借時有難曉處石闕銘

在華陰祠後苑中

漢太尉楊振碑隸書不著書撰人名首題漢太尉楊公神道碑銘震安帝時位至太尉文字淺缺首尾不完僅成文者云聖漢龍興神祇降祉乃生子公又云司徒太尉立朝正色恪勤竭忠餘文雖多不復成文碑在閩鄉公洪農華陰人也

漢沛相楊君碑不著書撰人名楊君震之後也孝順帝時拜郎中累遷沛相建寧中平隸書首尾不完碑在震州

漢高陽令楊君碑不著書撰人名首尾不完高陽令名著震之孫也

漢繁陽令楊公碑漢隸不著書撰人名首尾不完但云叔父太尉乃太尉秉之猶子也自郎中除繁陽令以靈帝景平三年卒新說曰已上楊家回碑余家見有打本

魏大饗記殘碑大饗記三古文為額其第三字不能識以其辭中有記字故名也此碑二百餘字損者四之一所存之文絕不可曉獨有黃初三年字其書法與魏受禪碑相道文帝大饗六軍立碑於燕此書饗作嚮或是假借受禪鍾繇所書此碑黃初年月之下有一字左從而闕右疑其繇字或云碑在長安瑤臺寺新說曰余家有蠟本字如新無字處不列蓋好事者模刻耳

石經唐貞觀四年立國子監在務本坊領國子大學四門書律等大學巢冠八城宮殿官府皆為灰燼獨國子監石經存焉天祐甲子許公韓建始遷石經於府城北市今府學有元祐庚午學官黎持所撰移石經記其略曰石經開成中鐫刻唐史載之文宗時太學勒石經而鄭覃周墀等校定九經上石及覃以宰臣祭酒進石壁九

經一百六十卷即今之石經也。舊在務本坊。天祐中韓
建築新城。石經弃于城南。至朱梁時劉鄩守長安。有募
夫尹玉羽者白輦入鄩方營。乞軍之侵。謂此非急務。玉
羽給以戰助。鄩然之。遷于唐尚書省。其處窪下。隨立輟。仆
悉輦置文廟之北。墉分為東西。次北而陳。列明皇孝經
臺立之。中央顏楷歐虞徐柳之碑分布而立焉。正大辛
卯遷徙。悉以權仆。至庚戌省幕。王公琛奉而起立。至元
十四年。碑盡推倒。天驤與孟文昌充西府教官。請灞橋
唐邑劉斌而復立焉。

石經音釋五經文字序列音釋十碑在府學東序石經之
碑陰

孝經唐明皇八分書太子亨篆額李齊古上表并李林甫
四十四人題名御書卷詔云孝者德之本教之所由

生故親自訓註垂範將來覽所進本深嘉用心天寶四年元月在文廟

孔子廟堂碑唐太子中舍人著作郎虞世南撰并書相王

旦篆額太宗武德九年十二月詔封孔德倫為褒聖侯以

奉孔子後遂立廟堂碑今缺裂不完在文廟

顏氏家廟碑唐薛王友顏惟貞家廟碑吏部尚書顏真卿

撰并書集賢院學士李陽冰篆額真卿自叙家世銘其

父薛王友惟貞廟碑以建元元年七月立今在文廟

大達法師玄秘塔銘唐江西觀察使叢休撰集賢殿學士

柳公權書并篆額碑以會昌元年十二月立在文廟

大智禪師碑唐中書侍郎嚴挺之撰集賢院待制史惟則

一分書并篆額開元二十四年立今在文廟九月

唐三藏聖教序唐太宗御製沙門懷仁集王右軍書時立

獎自西域取貝葉以還詔譯於弘福寺既畢太宗為之
序高宗為皇太子又為序記并譯心經一卷以咸亨三
年十二月立書苑云唐文皇製聖教序弘福寺懷仁集王
右軍行書勒石累年方就逸少副蹟咸萃其中今觀碑
中字與右軍遺帖所有者纖微克肖近世翰林侍書輩
多學此碑目其書為院體由吳通微昆弟已有斯目今
士夫玩此者學弗至自俗耳碑中字未嘗俗非深於書
不足以語此今在文廟

遺

教經不著書人名氏及刻石年月世以為王羲之書為
也蓋唐書經手所書尔然其字可愛故錄之然自逸少
在時小兒亂真况百年後真偽難別其筆畫猶可為法
式在洪福寺

金剛經碑唐翰林侍書右補闕柳公權為僧錄準公書前

進士鄭虔題額會昌四年立今在安西府東興唐寺

金剛經碑唐武敏之正書碑以麟德二年立在文廟

道因法師碑唐中臺司藩大夫李儼撰蘭臺即歐陽通書

詢之子也書亞於父時號大小歐陽道因姓侯氏漢陽人

太宗時詔譯經於京師碑以龍朔三年十月立今在文廟

西京千福寺多寶塔感應碑唐南陽岑勛撰判尚書武部

負外郎顏真卿書都官郎中東海徐浩題額天寶初沙

門楚金建感應寶塔于千福寺明皇夜夢之助其事親

為書額碑以天寶十一年立今在文廟

唐三藏和尚不空碑御史大夫嚴郢撰彭王傳徐浩書不

空西域人居長安興善寺自玄宗以來謂之國師代宗

加開府儀同三司肅國公號大廣智三藏追贈司空號

大辯正廣智三藏碑建二年建今在文廟

唐千福寺楚金禪師碑紫閣山草堂寺沙門飛錫撰中書

舍人翰林學士吳通微書碑以貞元二十一年立今在文廟

唐李氏遷先塋記從子陽冰篆嗣子李御撰大厯五年立

今在文廟

唐李氏三墳記李季卿撰李陽冰篆字季卿改葬其兄弟

普安郡戶曹參軍耀卿字華金城尉叔卿字萬朝邑尉

春卿字榮凡三墳碑以大厯二年立今在文廟

唐贈大保郭敬之廟碑刑部尚書顏真卿撰并書代宗御

題額敬之乃子儀之父也官至壽州刺史追贈太保碑

以廣德二年立在北榭樓南碑仆至元三年左山商參

政復立在北榭

御史臺精舍碑唐中書令崔暹為殿中侍御史時撰梁昇

卿八分書精舍者武后時衆御史共立于臺之獄中暹

為之記至開元十一年迫刻于石今在省街

御史臺精舍碑題名唐御史臺題名大夫中丞侍御史監
察御史裏行主簿等姓名前後重出者凡百餘人開元
十九年刻後有侍御史殿中侍御史并內供奉監察御
史并裏行題名書皆一體注其下曰所載姓名皆建碑
後續附者在碑陰

唐太保昭武公李抱玉碑中書侍郎平章政事楊綰奉勅
撰刑部尚書顏真卿奉勅書公本姓安名重璋肅宗賜
姓李名抱玉隴右副元帥同平章事涼國公追贈太保
謚曰昭武碑以大曆十二年立碑陰祭文韓雲卿撰子自
正書碑以大曆十三年立今在長安縣杜永村墳前
唐左神策紀聖德碑翰林學士承旨崔鉉撰散騎常侍集
賢殿學士柳公權書某賢直院徐方平篆武宗幸左神

策軍勞閱軍士仇士良請為碑以紀聖德碑以會昌三年立碑見在左軍

唐

石神策軍碑盧說撰韓遂安書董懷篆額咸通年中立後遭巢寇焚毀碑剝落火燒碑尚在右軍

唐

三藏聖教序太宗御製序高宗御製記中書令褚遂良書永徽四年十月刻在慈恩寺塔東西龕中

唐

九成宮醴泉銘秘書監魏徵撰率更令歐陽詢書太宗貞觀六年避暑於九成宮即隋之仁壽宮也宮中本乏

水源太宗因以杖刺地有泉湧出飲之可以愈疾其味

如醴因名曰醴泉詔徵為碑銘今在麟遊山九成宮瑤

臺寺亦有碑

唐

從幸九成宮題名太尉長孫無忌等題名歐陽詢所書醴泉銘之陰時既立泉銘勅中書門下及見從文武三品

已上并學士各自書其官名於碑銘凡四十六人并無
忌等七人題名附

唐昭陵刻石文

太宗御製歐陽詢八分書貞觀十年刻太宗為文德皇后立其文載於寶錄今石刻已磨滅改世頗罕傳其略可見者有二無金玉之寶玩用之物水馬偶人有形而已欲使盜賊息又之俯視漢家諸陵猶如蟻垤皆被穿窬今營此陵制度畢獲用功省少望與天地相畢永無後患其言非不丁寧切至也然竟不免溫韜之禍

唐昭陵六馬贊歐陽詢八分書初太宗以文德皇后之墓自為文刻石於昭陵又琢石像平生征伐所乘六馬為贊刻之至宋紹聖元年武功游師雄見其舊石碑剝損殆盡後畫昭陵圖并六駿馬像語屬醴泉令傅寤刻二

碑於縣北太宗廟見存

唐西平郡王李晟神道碑司馬平章事裴度撰庫部郎中

翰林侍書柳公權書晟字良器隴西人位至太尉中書

令西平郡王文宗初諸子請為神道碑度等奉勅書撰

以太和三年立在高陵縣渭橋鎮

唐贈太尉段秀實神道碑德宗御製皇太子誦書秀實字

成公官至司農卿封張掖郡王死于朱泚之難贈太尉

謚曰忠烈碑以元貞元年四月立在臨潼縣斜口鎮之

西南姚村墓前見存

唐贈左散騎常侍楊瑤先廟碑中書令李林甫撰銘中書

舍人內供奉梁陟撰序集賢院大制齊曾八分書瑤字

瑤光弘農華陰人官至左散騎常侍贈戶部尚書謚曰

貞碑以開元二十六年立在廟坡

唐贈太保郭敬之碑侍中苗晉鄉撰中書侍郎平章事蕭

華書敬之華州人仕至壽州刺史以子儀追贈太保碑以

肅宗元年建寅月立在鳳栖原高望堆墳前見存

唐貞順皇后武氏碑玄宗御製御書八分字太子亨題額

后姓武氏終於惠妃謚貞順天寶十三年立在龐留村

南長勝坊冢墓前

唐咸宜公主碑鄜州節度使武元亨撰蘇州常熟縣令袁

中孚書集賢院學士李陽冰篆額公主玄宗第十七女降

祕書監崔高碑以興元元年立在龐留村墓側見存

唐旌儒廟碑秦焚書坑在臨潼縣西南二十里驪山半原橫

坑村秦始皇以驪山溫處令人種荻冬月結寔招天下儒

者議之各說不同乃命就說之到者拜為節前後七百人

方難決因發機以土填之唐天寶中改為旌儒鄉立旌儒

廟賈至撰文立碑廟前碑土人埋之

唐尚書省

郎官廳石記

左司員外郎陳九言撰序吳郡張

旭書旭以草書知名此序獨楷字精勤嚴重出於自然

如動容周旋中禮非強為者書一藝耳至於極者乃能

如此其楷字蓋罕見於世則此序尤可貴也新說曰兵

後石記填在青蓮池中

唐

張旭草書千文乾元二年二月八日旭書自學優登仕至平

章凡六百九十五字存者六百七十三複重者五七者二十二

元豐三年呂大防守雍得之石蒼舒俾模諸石而置於府

廨又得趙大觀別本自薄風興溫清而下四十六字乃併

刻之復古碑錄始視張旭所書千字人至母圖隸散等

怪逸過甚好事者以長史喜狂書故效其迹反復徐觀

至雁門云亭愚蒙瞻仰等字與後題月日則雄隱軒舉

楊瑒先廟碑陰記弘農樊福為瑒建碑之記并記瑒諸子

官閣

唐西平郡王李晟先廟碑工部侍郎張或撰國子司業韓
秀弼八分書庫部員外郎李缺篆額晟官至太尉中書
令勅立家廟於京師碑以貞元八年立見在雁塔四二里

唐贈太傅岐國公杜佑家廟碑李吉甫撰張弘靖書表滋
叢額碑以元和十一年立按城南記杜岐公家廟在啓夏門
咸通八年建石室俗曰杜相公書堂石室乃奉安神主之
室也都運張公揆題詩曰烟蒸啓夏門杜氏廟猶存四
室有道構九原無餒菟園書爽舊相鄉社見諸孫赫
收之筆雄文垂後昆韓建築城移在安上街西立廟

唐令狐楚先廟碑禮部郎中集賢院學士劉禹錫撰并書
大和初楚為宣武軍節度使立家廟于京師通濟里碑

以大和五年立在雁塔南一里

唐柳州刺史柳宗元碑韓愈撰沈傳師正書碑以元和十

五年立在鳳栖原墓前碑碎

唐贈司空杜如晦碑虞世基撰八分書在城南司馬村墓

前碑摧損不可讀

唐贈吏部尚書蕭灌碑尚書左丞相張說撰梁昇卿八分

書明皇御題額金字猶顯碑以開元十八年立在焦村

墓前中統年村人竄與道者惜哉

唐誠節馮昭泰碑棟王撰中書舍人梁昇卿八分書玄宗親

題額加謚誠節此其寢廟碑也開元二十一年立在慈恩寺

唐請立馮公碑表昭泰子紹正請立廟碑表并墨詔同列

散騎常侍陸堅題墨詔荅馮紹正表梁昇卿八分書開

元二年立在慈恩寺

槎枿絲綫千變万狀雖左馳右驚而不離繩矩之內猶從風鳶翔戾於空隨風上下而綸常在手擊劔者交光飛歛忽若神而器不離身駐目視之在龍鸞飛騰然後知其真長史書而不虛得名矣世人親之者不知其所以好者在此但視其怪竒從而効之夫其旨矣昔之聖人縱心而不踰矩妄行而踏乎大方亦猶是也 東觀餘論

祭伯父豪州刺史文唐顏真卿撰并行書乾元元年九月
今在賈治中宅

唐薦福寺德律師碑上郡薦福寺臨壇大戒德律師碑韓雲卿撰韓釋木八分書史惟則篆額大歷六年立今在

景風街仁王院

唐花萼樓火餘碑翰林學士李白撰彭王傳徐浩正書字體遒勁寂為得意遭巢寇火焚毀上猶存四十餘字在

興慶池南

秦相携里子墓碣唐獨孤寔撰張誼行書真元三年立在省衙西携里廟中又唐鄭路撰鄭公誼行書在廟後墓

前

唐昇玄劉先生碑刑部尚書馮宿撰左司郎中柳公權書右

翰林侍詔唐玄度篆額先生名從政河南緱氏人居東都玄真宮敬宗師事之加檢校光祿大夫及先生之號碑以大和

七年四月立二碑一在東都一在四都見在靈應宮

唐玄度十體書前未得於蘇氏後本得於李丕緒少卿丕

緒長安名家子喜收碑文二家之體則同而文有得失故並存之賢者得自擇焉今在安西府香城寺

唐顏魯公坐位帖魯公與僕射郭英義行草書藁也魯公為坐位高下小有失常力爭如此使之立朝其肯逢君

之惡乎出金石錄今石刻在文廟

唐阿彌陀經暢整書乾封元年立觀其筆法自漢隸中來其點畫勁硬細瘦如銀鈎錢畫可為師法在山亭寺中

唐一行禪師塔碑明皇撰并八分書一行姓張後為沙門

謚曰大慧碑以開元十六年立銅人原塔側今灞橋東原

張說題玄宗御書記唐集賢學士題玄宗御製書并年月

日記及摸勒刻字人姓名後有開元十六年將幸溫泉親

詣大慧禪師塔所口勅檢校立碑使朱敬宣所記在碑陰

後魏溫泉銘不著人名氏作頌者自稱曰孤其額曰雍州

刺史松滋公元長溫泉頌蓋長始立室於泉上而作此

頌碑古人摩挲先如鏡呼為頗黎碑在華清宮

唐溫泉碑太宗御製御書碑額散隸為貞觀二字帝始建

宮于驪山溫泉作此銘碑以貞觀中立在華清宮

隋智永禪師真草千文碑禪師王逸少七代孫妙傳家法
為隋唐間學書者宗匠寫真草千文八百本散於世江
東諸寺各施一本住吳興永欣寺積年臨書所退筆頭
置之大竹簾受一石餘而五簾皆滿求書者如市所居
戶限為之穿穴乃用鐵葉裹之人謂之錢門限後取筆
頭瘞之號退筆塚長安崔氏所藏真跡最為殊絕命工
刊石置之漕司南廳庶傳永久大觀己丑二月樂安薛
嗣昌記今在靈應宮

唐懷素律師聖母帖今在府解

唐臧氏糾宗碑湖州刺史顏真卿撰并書臧氏東莞人自
唐初靈州都督寵而下至京府叅軍叔清族系名字宮
闕悉載于碑不知所刻年月在三原北坡上

唐贈工部尚書臧懷恪碑撫州刺史顏真卿撰并書恪字

貞節東莞人官至右武衛大將軍贈工部尚書碑以開元十二年立在三原冢前

唐羽林大將軍臧懷亮碑陳州刺史李邕撰并書懷亮字明時東莞人官至左羽林大將軍碑以開元十九年立在三原北墓冢前

唐左武衛中郎將臧希忱碑韓擇木撰并書大曆四年立在三原北墓前

唐贈揚州都督臧希晏碑張孚撰韓秀弼八分書大曆五年立在三原北墓前

唐贈崇州刺史臧公碑王齊問撰張頌行書元寶中立在三原墓前

唐果毅都尉臧崇碑天寶七年立在三原新說曰已上臧氏七碑余至元十五年親披荆棘而觀抄錄更有數碑

刺深難造不曾抄寫為恨

唐報本寺碑常宗奉勅撰侯翊奉勅書徐方平奉勅篆額
大中元年二月立日建在武功報本寺

唐牛頭山七祖遍照禪師碑徐士龍撰姜泳正書貞元十
五年五月立在樊川

隋真寂寺碑僧法林撰并八分書開皇十四年正月立在

金光門真寂寺至元丙午六月大雨雹雷轟碑為三段
唐淨住寺釋迦文賢叔千佛像記崔行功撰隸書真正無

名自受禪中學承可以為法式今在開元寺官塔院

唐信行禪師碑越王貞撰中書舍人薛稷書事迹無叙但

稱美之薛神朔二年立在百塔

唐圭峯定慧禪師碑中書平章裴休撰并書工部尚書柳
公權篆額師姓何字宗密其文無足採其名世所重大

中九年立在草堂

唐大清真宮道藏經目錄碑秦守正書趙盈篆額本唐太清宮今為賈老菴

唐華山石闕題名開元二十三年鄭虔題名為首後二百年至唐清泰三年戶部侍郎楊凝式而止其間無年月悉列于后總五百一人在華嶽廟

唐顏魯公題名真卿為饒州刺史以乾元元年題名於華嶽廟

唐脩漢未央宮碑裴素撰朱珉行書毛伯貞篆額會昌二

年十一月六日建大元士子戴于西嶽廟

晉王羲之筆陣圖新說筆陣圖其中張昶華嶽碑誤寫張旭益後模勒之謬今在山亭寺

晉謝靈運草書帖臨川長史謝靈運文章之餘尤精翰墨

觀其縱逸之勢妙絕入神人示于遂勒于石永為世之
模楷尔嘉祐己亥歲九月三日光祿少卿李丕緒書後
今在陝西行臺趙中丞宅

唐張長史肚痛帖新說曰帖三千字顛草奇怪多不識先
在張金紫宅

唐邠國公修功德銘長慶二年十二月立今在文廟

唐金蘭帖得歐陽詢墨跡六十字筆力峻勁跡去方直而

雅有風氣予甚愛之遂藏焉又模于石將傳永久元祐
元年仲冬己卯博陵崔頤正可云今嵌在文廟成德堂西

唐華清宮津陽門詩碑鄭蠋撰津陽詩一百韻在華清宮
唐并府君神道碑在藍田縣西咽壺泉柳公權書

唐帝皇后碑柳公權書在常曲

唐華清宮三十韻詩中書舍人杜牧之撰杜竦書在華清宮

唐昌黎五箴宋狄道李寂玉筋篆書昇玆模勒上石宣和

五年建今嵌在文廟

唐順陵碑武后追尊父士毅為無上孝明皇帝母楊氏為

孝明皇后命李嶠為碑文相王旦書碑高大非人力所

及今在咸陽原上

唐三藏法師玄奘塔碑劉軻撰僧達初行書開成四年在

興教寺

宋新修秦始皇帝廟碑銘大中大夫檢校刑部尚書守太

子庶事上柱國賜紫金魚袋楊昭儉奉勅撰翰林待詔

待太僕寺丞柱國臣孫崇望奉勅書開寶六年十月十

五日建在臨潼縣東陵北二里

宋新修漢文帝廟碑翰林學士中散大夫權知貢舉上柱

國賜紫金魚袋臣李昉奉勅撰翰林待詔行太僕寺丞

孫崇望奉勅書開寶六年歲在癸酉十月辛巳朔十五日
乙未建在霸陵西五里劉村鎮

宋大觀聖作碑在府學

宋賜辟雍詔

宋幸學御筆手詔

宋重修文宣王廟記殿中侍御史劉從義撰永興軍踰度
使太師中書令行京兆尹王彥超立建隆三年八月廿五日

宋京兆府移文宣王廟記龍圖閣待制知永興軍府事吳
防撰鄜州觀察使石蒼舒書元豐三年二月日

宋建學勅景祐元年十月日

宋府學移石經碑記雍學官黎持撰元祐庚子

宋永興軍創修府學記大觀元年十月立

宋永興軍府學開泮水記大觀元年十月立

宋教興頌虛儀先生撰唐英篆書在文廟

京兆市小學規太學教授任民師撰在文廟

宋三體陰符經郭忠恕古文王筋篆八分書三體乾德四年立

宋興慶池禊宴詩碑慶歷十五年建在衆樂堂前火元至

元十三年安西教官移在文廟背面刻重修廟記

宋十八體篆額僧夢英篆十八體八分字題名

宋武功游師雄墓誌張舜民撰邵毓書張泉篆蓋嵌在成德堂壁

宋鳳翔八觀蘇東坡撰并書在鳳翔高總管宅

杜甫漫興九首宋黃魯直草書在邠州玉誨議宅

宋綵野亭記新說曰武功乃橫渠先生講學利州昭化

縣令張閣中撰武功縣令劉幹立石

慈恩雁塔唐賢題名十卷慈恩雁塔本隋無漏寺故地高
陵在春宮為文德皇后復置故以名之永徽三年沙門
玄奘自西域歸始於寺西建雁塔其後頽毀至長安中
乃復更造南對玉葉霧簷諸峰東枕曲江與大明宮丹
鳳門端若引繩氣象雄偉甲於天下杜詩所謂秦山忽
破碎涇渭不可求蓋言其高遠如此自神龍以來進士
登科皆賜江上題名雁塔下由是遂為故事五季寺廢
惟雁塔歸然獨存有僧蓮芳始葺新之塔之內外皆以塗
墍唐人題字不復可見元豐間塔再火鄉人王正叔始見
書壁斷裂因刻刮甃甃得題名數十乃錄以歸屢白好
事者使刻石達今踰四十年卒不果重和戊戌察讎書
東觀偶與同年柳伯和縱談及此擊節悵然明年伯和出
使咸秦暇日率同僚登絕頂始命畫刻斷壁而所得尤

當皆前未之見者又俾刊者李知常知常木摹榻隨其
斷缺不復敢增益一字正叔隱居里中素于書法乃屬
以次第標目分為十卷刻于塔之西南隅於是一代奇跡
爛然在目先是會昌中宰相李德裕不由科第深貶進
士始罷宴集向之題名削除殆盡故今所存獨詩人逸
士與公卿貴游子弟為多夫晉賢真跡流傳至唐宮楮
私勝幾數千卷自歐虞褚薛而下皆宗之當時士人咸以
不能書為耻以今題名攷觀其間縱復歌斜至鋒藏筆
勁氣格高古皆有江左遺風國朝士夫必題識其側欲
俾來者護持而皂隸庸人輒以俗書污漫其上於是汲
水滌之新墨盡去舊畫宛然乃知唐人於字學非特點
曳盡工至於筆跡亦復精妙如此伯和好古博學邁往
不群聞其成也為之喜而不寐見謔序引輒以所聞見

者列之碑首云宣和庚子八月望日少陵樊察仲恕謹

序

唐人登科燕集曲江題名雁塔一代之榮觀當時士風以不得與為深恨國朝錫燕瑱林立碑太平興國寺乃用唐之遺興故凡詩詩啓紀述同年契者引雁塔為故事雁塔在長安南曲江西慈恩寺樂天所謂曲江院裏題名處是也塔成於顯慶間鉅今幾五百年堅完如新壁碑上字墨猶存四方士大夫自非身嘗登覽蓋莫之見世亦有摹刻以傳者宣和庚子瑊以漕事使關中公餘與同僚訪古周覽塔上層層見之字畫遵麗俱有楷法金榜無幾而名卿偉人留記姓多歲月者倍多乃得善工李知常等俾畫摹刻于石託隱士王正叔點校編次同年樊仲恕冠以序引正叔好古博學通古書法

仲恕才敏筆有聞於時是書當借重以傳其詳見于

叙云宣和庚子十月朔大名柳瑛伯和題

金重修府學碑河南潘師雄撰并書正隆三年建

金京兆津宮登科記龍山高有隣撰承安二年十一月二

十三日

金修府學教養碑中山劉渭撰奉天陽真書正大二年建

金府學創建題名記正大二年十二月日

金京兆府重修府學記貞祐二年立

金耀州美原縣進義副尉趙隱振貧碑前修撰狀元趙承

元撰泰和八年春三月初吉縣人立其略曰泰和三年

閏輔饑貧弱流離縣官虛廩無以盡贍美原趙隱獨發

其私藏自癸災之冬十有二月徂甲子之春四月盡百

日為豆粥日哺飢者五千餘人而無吝心陝右按察副

使路鐸拜章論列求加甄獎聖天子嘉之特命隱篆名
天官階進義副尉入班從事以中勸也新說曰今安西
路齊民局提舉彥忠乃五世孫也

大元京兆府重修文宣王廟記中書省左右司郎中徐剡

撰府學教授駱天驥書并篆額至元十三年正月建

皇子安西王盛德之碑孟文昌撰僕散祖真書駱天驥篆

額府學諸儒人建至元十四年建

皇子安西王文廟釋奠記京兆路儒學教授孟文昌撰儒

學教授駱天驥書并篆額至元十六年正月建

大元創建甘河遇仙宮記前進士李道士撰甲辰十月建

大元京兆玄都萬壽宮記鄉貢進士李庭撰乙巳七月二

十四日建

大元重修終南山重陽萬壽宮記前進士雲中孟攀麟撰

已酉冬十一月建

大元陝西創建三皇廟碑中奉大夫陝西漢中道肅政廉
訪使雲南行省叅知政事張立道奉令旨撰翰林
侍讀學士朝列大夫陝西漢中道肅政廉訪使高凝奉
令旨書府學教授駱天驤篆額大德四年歲舍庚子三
月丁丑建監修官正府典藏司大使王庭瑞鑿愈郎陝
西四川中興等路鑿提點使司判官王府鑿藥提舉常
慶祚

大元重修磻溪成道宮記奉訓大夫陝西漢中道提刑按
察副使魏初撰

大元京兆咸寧縣南坊里修大古觀記前進士太原劉秉

中撰府學教授駱天驤書

大元中書丞相刮公神道碑中奉大夫叅知政事裔挺撰

并書

大元嘉議大夫提典司天臺張公神道碑前進士雲中孟

攀麟撰司天臺判駱天驥書

金朝列大夫武騎尉賜紫金魚袋文儒武君墓碑在咸寧

縣韋曲之東少陵原君諱暉宣德宗廟直避字子華蓋屋

人義榮先生之祖也曾祖官至太傅次孫天錫立石正

奉大夫昭文館大學士書左丞柳溪姚樞書中奉大

夫前中書省叅知政事樞密院副使曹南商挺題額門

人前中書省左右司郎中武功張徽撰前中順大夫尚

書省左司員外郎兼修起居注賜紫金魚袋元好問

大元中順大夫西蜀四川道提刑按察副使宋鑑山先生

神道碑翰林丞知制誥兼修國史閔復撰集賢學士

劉慈書秘書陽桓篆額先生諱

號也著纓故家天姿秀發中書揚公宣撫京兆辟為幕
賓與商左山趙輔之同列本
人因宦游至秦遂家

焉累官至前職壽七十七有鑑山神暇集行於世

大元故資政大夫中書左丞贈光祿大夫中書右丞忠宣

公神道碑 太子諭德李謙撰翰林侍讀學士奉政大

夫知制誥同修國史高凝書丹并篆額

大元修郭令公廟碑并第十九代孫奉訓大夫故知寧海

州郭侃碑俱係翰林丞旨閔復撰在本府東夾城宅中

類編長安志卷之十